



PL
2698
F32H7
1863
v.15

方正學生生遜志齋集卷之二十三



明盱江張紹謙道益纂定

越州盧

演輯訂



十世孫

忠奕

十一世孫

振節

編

淮南後學俞化鵬青嶽重纂

桐鄉姚弘源
同里葉大魁

全較

十二世孫

潛

十三世孫

聲

涇浩沛

重編

古詩

蜀府敬慎齋



天降大命孔神而明巍巍天位匪德莫承赫赫聖皇
天寶子之奄宅九有不冒四夷百辟是臨兆民是使
何遠弗綏何悍弗靡德威所加孰不震驚尙篤祗慎

以奉天明矧惟哲王有此大國天子之祐之寵之錫
君于西土厥壤汪汪喬岷大江式固其疆有臣有民
有隣有輔外有戎羗于徼于圉匪格以誠孰克潛孚
匪治以仁疲羸曷蘇教之禦之以恩以禮攘之訓之
威武豈弟天有顯任舉集王躬惟克敬慎迺寧家邦
惟聖天子肇基百世衆建藩輔以匡來裔厥或罔恭
民亦罔從厥或弗慎下孰敢信惟王迪德懋昭大猷
日宣聖學以祗天休惜惜于 夔夔于守穆穆語言
不驚左右視乎在服有秩有倫視乎在廷紀法具陳
視乎禁衛動有矩律視乎郊圻靡有怠逸云孰致之

敬慎使然惟克敬慎迺罔有愆惟爾今王天子攸倚
四國攸喜下民攸恃王於齋官吉士祁祁教言徐徐
溫其有儀蹀蹀黃髮忠嘉啓告直辭靡撓不怒以笑
古昔格王永有烈光彼或慢肆福祿靡常王耽稽古
天下取則宜其邦國稽古惟王邦國以康胤嗣用昌
天佑大明藩輔多賢宜於民人於千萬年

讀書齋

翼翼高齋秩秩羣經推辭繹義必敬必誠持心惟虛
是受是承立志惟篤是毅是弘恢廓其量可吞滄溟
奮作其勇若捍都城求之勿易思之弗更取之欲博

約之欲精聖言何疑不疑不明聖道何正不正不平
融會其殊操植其恒朝斯夕斯期乎有成外怯不足
小德微能內有若無盎溢缶盈惟仁之居惟義之貞
霽月之明止水之澄天君明泰我縱我橫道無不得
理無不形富貴敝屣子女酷刑難玷污辱寧過潔清
大之天下小之家庭是經是緯是章是程聖讀庸行
馬牛冠纓博覽孔殷書匱是銘允矣君子夜寐夙興
惟誠惟勇有權有衡聖訓赫臨于几于楹聖經是讀
聖德是行

四月一日蒙賜宴浣花新建草堂感恩懷古偶

作

靈雨過瑤階朝陽麗金殿吾王講藝餘特賜群儒宴
茲惟杜子宅遺址當郊甸盛代仰前修高堂歟重建
葺茅昭舊迹拓地增新觀棟宇極崇華簷甍儼雕煥
兩楹陳綺席僊醴兼珍膳列坐無俗賓街恩共酬勸
花溪浮砌淨雪嶺當窻見覽物獨興懷古人如對面
追思天寶後宇內疲征戰徒抱稷契心莫覩唐虞禪
薄游經險阻放意娛篇翰使獲遭聖明寧令老貧賤
人生鮮遇合自昔共嗟惋並世或棄捐千秋有相羨
吾曹獨何幸淺技蒙深眷難報國士知空爲昔賢歎

江山鐘粹美天地存幽贊佇俟英俊興重看盛文獻
臣近述基命錄粗載三代帝王寬厚之政以寓
忠愛之私幸徹睿覽過蒙賜詩寵褒詞高旨遠
復增慚荷謹依韻略陳情以謝萬一云

明哲昔御世虛心禮賢臣令名昭簡策千秋播清芬
賢王啓大藩懿德貞且純英姿邁前列高志企古人
聖學自得師曠代莫與鄰睿謨粲可述善政難具陳
况復抱雄才著作妙入神下筆百川湧潤澤義與仁
陋儒亦何幸趨召奉絲綸恩言寵賜褒猥謂堪致君
仰惟文獻國濟濟中白賓圖治超太古餘光能見分

謹歌擬雅頌烜赫繼丘墳

齋殿觀書恭侍間燕且承賜文嘉勞無任感服
謹賦詩一首以抒下情

無爲運王化虛靜契天心神情旣昭朗外誘安能侵
齋居閔道妙端拱肅冠襟超然萬彙表儼若上帝臨
竹素粲盈前羣言恣窺尋遐思自知要博采仍鈎深
嗜古忘饑渴好善踰球琳冥觀會衆理抗志珍分陰
俯仰周乾坤瞬息貫古今人爵已莫並天貴誰能任
賑窶散倉粟贖人捐府金政教洽四境蒼生歌德音
文昭聖明喜誠格鬼神歆陋儒荷寵光避席瞻旒簪

垂歡惠顏色灑翰嘉忠忱瀚海茫無涯豈復資蹄涔
譬彼一簣土寧補泰華岑受恩徒徬徨憂懷鬱欽欽
鴻勲希旦奭令名仰回參日新崇大業濟世同舟霖
臣仰德之深非言可喻謹次淵明九日詩韻叙

謝萬一

至人憲天德虛心體羣生自爲代工計豈爲濟衆名
惟王間世才欽聖奉天明端居澹無故四海流仁聲
耄倪競稽首願王壽千齡如彼岷峨高不騫復不傾
小臣最陋劣夙受顧盼榮孤恩愧明義念舊勞睿情
臨風拭病目思見德化成

癸酉歲京府徵考試繼奉蜀王殿下命述事

少時輕離別志氣誇壯強及茲未莫年已復多感傷
念昔之蜀都執經侍賢王放懷禮法地取樂文翰場
耆俊滿大廷濟濟會冠裳出言有同趣講藝靡乖方
惟王帝室英聰達世莫當精誠洞千古一日連十行
道大才更雄氣溫色彌莊勞心撫庶政虛已思虞唐
封內數十州德聲藹洋洋皇天降嘉貺百穀屢豐穰
盛美不自居簡身循典章凝情觀衆妙博問取所長
自慚魯鈍學三歲承寵光避席玉座側設醴金殿旁
膚哲能兼容闕失專覆藏采賡等封非比珍匪琳瑯

徵書京國來迅若晨風翔謬忝較文職守臣啓儲皇

儲皇新德

一作聽

政出令聞八荒戒飭況丁寧庸薄

恐惶經旬廢寢食嘔欬病在床王人俄繼至幣百藩

關將強起扶杖迎坐語兩傍徬報國固臣節效忠亦

士常趨召違天朝懼非義所臧王心秉忠孝處事

且詳微衷倘見察庶或貸死亡赫赫我大明幅員

憂商仁恩洽宇宙帝業熾以昌九有如一
家內外咸

樂康取士皆爲國何嘗限封疆蜀道平若砥漢水淺
可航胡爲不能往矯首徒慨慷白日流光輝葵藿隨
低昂願王崇明德以慰葵藿望

休日奉陪蜀府諸公宴集

居閑嘆時邁閱世知才短頗爲觀國遊每覺歸期緩
羣公盡耆英過從恨殊晚他鄉親故稀骨肉不在眼
非資談咏歡孰使離情展大藩仰仁哲政化崇寬簡
長日自優游茲展况休辭特醪出珍膳果蔬隨物產
一觴偶相酬萬慮皆可遣貴同周士肆狂笑晉人嬾
語樂天趣深心清市塵遠新秋欣已至毒暑行將斷

靈雨席上來微涼座中滿明時古難遇良會世所罕
各勉存令猷垂聲繼伊管

蜀府遇夏皆教諭次韻叙德言懷

周道昔淪喪鳳鳥收其聲紛紛徇世士各以智術鳴
仲舒起西都蜀漢有孔明下帷談正誼濡走濟羣生
二子苟遇時惠澤被孤惻惜其遭逢謬不見禮樂興
邇來一千年文獻鮮有徵豈無輔相貴未免利祿嬰
鄙夫何所知浪竊當世名致君事莫及好古心徒傾
身疲道路長興入江山清偶隨羣臣後獲見百代英
神姿儼淵肅雄論極醇精德政尚寬和西土臻治平

福善固天理願治本民情昔嘆賢豪稀今見德位并
寄言同袍子拭目王化行

閒居感懷十七首

鳴鳩知天雨乾鵲知天風蟋蟀最無知亦悲年運窮
云何當世士憤憤溫飽中變故如波濤浮沉安所終
鳳隨天風下暮息梧桐枝羣鴟得腐鼠笑汝長苦饑
舉頭望八荒默與千秋期一飽亮易得所存終不移
乘時功易立處下事少成君看蕭曹才豈若魯兩生
賢豪志大業舉措流俗驚循循刀筆間固足爲公卿
賢有四海志家無一金貲言高力不足舉世爭笑之

不如富俠子錢刀散孤嫠閭閻稱行義赫赫名聲垂
竊竊衆所憂不踰衣食間孰知溫飽外可憂非一端
賤憂道難行貴憂名不完誰能斷棄此自樂如孔顏
無事本無尤無作自無愧心超萬化表跡混人羣內
卑卑流俗語懶問亦懶對有時或出門獨撫霜中檜
庭前兩古檜封植今百年女蘿欺衰朽揚翹冠其巔
弱榮蒲柳脆鉅榦金石堅得時不自料歲晚良可憐
我非今世人空懷今世憂所憂諒無他慨想禹九州
商君以爲秦周公以爲周哀哉萬年後誰爲斯民謀
士無及物智每喜華其廬我居豈不敞於道已有餘

明取容吾身與取藏吾書奚須嘆其陋不見阿房初
秦人奮戎狄蠶食舉八荒自言功德大傳叙萬世長
鮑魚臭未絕赤龍欲飛翔巍巍且莫保瑣瑣安可量
習俗日頽壞疇能塞其源自從井牧廢開此爭效門
救弊豈無術得君古難言田間一卮酒踞醉蒼梧魂
道喪學術敝士心日汙卑躋扳得丰祿寧使節義墮
古人安分義卿相有不爲栖栖糞土中困處固其宜
俗士不知道喜以異自雄安知名世者固與常人同
聖賢盡其常縱浪禮義中何須驚神變恟恍驚羣聾
內有丘山重外有秋毫輕於心不自得誰免慕榮名

少賤事干謁尊貴樂驕盈焉知陋巷士塵芥視簪纓
利欲烈炎火雲燄起縱橫區區一予與死以口舌爭
豈不念迂遠安能負平生皇皇斯須困炳炳萬世明
胡貊笑紈綺吳越賤堅車羣庸方囂囂固謂智士愚
刀筆計得失絲粟較盈虧誰云周公聖對此慚不如
池魚不知海越鳥不思燕虻蚓霸一穴神龍輕九天
小大萬相殊豈惟物性然君子勿歎息彼誠可哀憐
次王仲縉感懷韻十首兼呈張廷璧

哲后踐貞軌簡策有餘馥彼或趨卑汗流惡寧有足
明達知所師鑑古以自燭惟王實天縱虛心湛無欲

亭道期濟人爲善靡微福羣書不去手萬里瞭在目
鄙臣守鉛槧恩光蒙遠矚楊如首夏風煦若陽春旭
才微媿寵厚跡賤慚愛篤報德諒無階錫嘏徒有祝
東京多節士我懷管幼安騰身風塵表寵祿寧肯干
子魚不相諒高位屢超遷腐鼠欲見污聞之愧心顏
皜皜蘇夷恣迥出兩漢前彼哉阿世者變滅同飛煙
榮華神所戲貧賤節斯完此道匪難知胡爲人不然
福生既有胎禍茂詎無根玄理諒不爽羣動何紘紘
商周數百載積累甚至仁胤嗣豈皆賢所藉先澤存
後王昧經遠謀慮止其身於道或偶合秉心殊未純

永懷極盛時民物熙陽春孟氏好斥霸惡彼能亂真
隆中有一士卓然古天民長嘯六合間草昧思經綸
寸心如白日可破萬古昏所遇雖不諧餘輝尚燉燉
使逢高光主禮樂寧沉湮惜其遺書亡大志人罕聞
如何徇利子於道不知真卑卑章句中微祿求潤身
可貴不在位可賤不在貧無取一時好當作千載人
羣鳥質微細乃以羽自戕犀象獸之雄每因齒角亡
物生無巨小適用反相傷犬羊死柔弱虎豹死暴強
彭聃死於壽夭者死於殤萬生誰長存所貴德譽光
古來志節士立身有大方孰云蕭艾藜果勝蘭蕙芳

封倫論治道盛詆習俗瀛鄭公若砥柱坐障狂瀾馳
嗟此古遺直磊落胸中奇遭逢英明君計畫得小施
劉蕢豈不偉結舌意如癡浚恒寧獨然天運固若斯
焘焘趨愈下滔滔竟何之萬事吾不識聊以善自持
始見澤腹堅又聞谷風至炎熇復能幾木葉忽已墜
四序不少停景物日夜異思之熱中腸不遑食與寐
支離如病鶴顧影獨長唳黃雀飽稻梁笑爾垂兩翅
野性拙生理大化無停機緼袍汗沃若絺綌風淒其
壯士千載心豈憂食與衣繇來浮海志不是軒冕姿
人生尙聞道富貴復奚爲賢有陋巷樂聖有西山饑

朶願多所失苦節未可非

保身戒無疾制治憂小康
齋凍敬慎心何必求扁倉
依依桃李花安知有嚴霜
松竹淡自守歲晚凌衆芳
小人徒媿媿志士多慨慷
我生豈不貴萬物備天常
天常旣無虧貧賤果何傷

榮華衆所慕志得虞咎愆
賤貧可無憂復爲饑凍纏
有能外兩途逍遙循自然
苟不悟斯道中心何繇宣
曰予素寡昧未達性命原
勵茲不息操夙夜靡遑安
奮庸有伊周處約有騫淵
敬承聖哲訓庶慰遲暮年

追次朱子春懷詩韻

聞鐘理短髮徐步啓荆扉不知夜雨過園林頓芳菲
江山靜妙顏雲日浮清輝殘梅落欲盡幽池水痕肥
始見新歲來景物忽如茲徒爲逝川嘆未遂滄州期
及時貴取樂莫遣青春歸

舟中呈同召葉夷仲林公輔楊大中陳元豐

一作采

本乏適時用誤爲當世知進身媿蹇拙退處乃其宜
何意承寵光使車忽來茲靡靡踰南國秩秩錫多儀
嚴程不可稽王命自有期親愛俱在眼弗獲顧我私
聖猷同山嶽微忠劣毫絲黽勉諒何補徒興十載思
上巳約友登南樓

生意忽滿眼不知春淺深良朋曠嘉會濁酒難孤斟
迢迢城上樓高朗宜遠臨曷不一舉趾縱望淵與岑
逍遙羣動表舒豁萬古心古人已寂寞繼者應在今
蘊真有至樂外慕非所欽疇昔舞雩詠千秋虞氏琴
窮達各有適宇宙流遺音景風生穆清佳趣溢魚禽
願言領衆妙無爲鬱冲襟

次韻

春色與漢水相看兩俱深誰能當此時有酒不共斟
城端聳華構賓友皆來臨東瞻太白雪西望峨眉岑
縱觀八紘內洞見天地心千年等旦暮豈識古與今

尚友懷賢豪妄意鮮所欽慷慨隆中嘯竊眈河汾琴
其人儼不忘思欲嗣徽音觴多意不盡譁笑驚飛禽
清風似相知數數吹余襟

再次前韻

昔時喜飲酒舉白不辭深及茲中歲來已復畏人斟
後生多所忽豈識老會臨志士惜景光登麓已知岑
每聞前世事頗見古人心逝者良不息將來誰嗣今
百年當有成泯滅寧足欽每憐伯牙陋鍾死破其琴
自得苟堪傳何必求知音俯觀水中儵仰觀雲際禽
真樂不吾隱欣然豁煩襟

送鄭叔貞之成都

謝公江海人雅量極宏廓中年別親友猶謂懷抱惡
况我褊迫士志意早衰弱辟如遶指金詎柰膏火爍
豈無骨肉親相望天一角兩生萬里志講道慰寂寞
探奇忘舊悲觀妙有新樂寧知事多忤重使嘆離索
林也前歲歸重來忘曩約鄭子今復去南行踰巘嶸
成都壯麗地江水帶郭郭山窺子美堂雲護孔明栢
壯遊豈不佳觀國資所學國僚盡耆俊政簡恒燕醪
日開百金筵坐有四方客摘毫歌盛美文彩紛烜赫
卓爾樂邦風巍乎王者宅王誠天人秀令德顏閔若

神機盡經緯大度蘊才略心融羣聖言穎銳智獨覺
坐收千古秘萬理隨綜錯尚友師微猷姚姒靡間隔
勵精施惠政民物沾德澤至化通幽明餘恩及飛躍
小心事天子放意耽簡策道積不自盈怡怡躬吐握
知名久佇望前席啓東閣立談盡歡娛至理無適莫
從容倘垂問占對復酢酢爲言寡朋儔舊業愈荒落
疑經待同勘蕪史期共削相須左右肱理勢不可各
王仁極深廣夙昔受殊渥囊餘舊賜錢篋有新頒帛
身爲微職絆感歎顏面忤使子能輸忠寧不副所托
金門盛才彥德星耀井絡翩翩白鳳羣豈復少一鶴

惟茲山南郡士氣陋且薄古心莫與論積疾誰爲藥
願子早告歸離憂變歡噓四科洙泗道五等成周爵
真知苟內充外物奚須度旱麓清炤人漢水淺可濯
懷哉春服成重繼咏歸作

又送叔貞之成都

空名誑當世自誤還勞人鄭子復爲誰跋涉窮冬春
去年赴上國風雪迷江津徒步從我行面黑手足皴
今茲有徵命欲往志靡伸子復之成都代余陳所因
念子遠遊學三年別慈親敝衣犯緇垢斷裂莫爲紉
蜀道幸坦平王化甚惠仁歷覽快心目庶足忘苦辛

諸葛政猶在少陵詩有神浩蕩觀大江
穿秀贍峨岷心曾蘊奇偉撫事氣益振
丈夫平生懷豈惟安其身况可廣咨訪
大邦多縉紳恨我不得俱惟恐孤主恩
見王再三謝念此踈遠臣

偶爾遣意奉呈同學諸君子及示叔貞秀才

累物擾靈府澹然無所爲家貧自鮮營
萬事俱不知日祿餘一斗麤給菜與糜
秫田亦異畊有酒供四時門多儒雅客
暇則斟酌之相對靡俗言共談止詩書
選情或深契歡笑同解頤孰謂千古遠
其人如在茲於心有至樂天地亦可遺
未知軒裳貴詎識勢位卑

彼美要路仕賢勞耀輕肥窮通各有適寧論是與非
送謝生因奉寄岐陽公

帝子謹王度大藩臻治平文風播南土四國揚休聲
上公國懿親令德惟邦禎奉恩自夙昔修貢表貞誠
名馬西域來玉勒懸珠纓金門足麒麟特受顧盼榮
王昨駐中都貂蟬藹盈庭公來必燕語禮接同友生
異質况天挺至尊愛彌甥勲賢冠當世夷夏欽盛名
繼美實在茲聞望良匪輕近因師傳重愈見德業成
曆數傳萬年蒼生仰皇明豈徒本支盛股肱在公卿
海內雖已康民俗猶未寧鄙夫抱深念思覩禮樂興

願公善匡輔報主以忠貞載光史臣籍永邁宗戚英
靈雨洗南麓漢光晚來盈臨流送回使懷古動遐情
發褒城過七盤嶺宿獨架橋閣上

名爲不祥器斯理昔未覺及茲因奔走始嘆立論確
險哉七盤山羊腸凌嶙嶸三年八往返顛頓髮早白
此行當盛夏溽暑遲餘虐晝伏避蚤宵征越林薄
危橋帶褒水俯瞰波流惡鑿石勞衆工緣崖構飛閣
下扶千柱壯上倚浮雲弱怒雷地底鳴懸瀑崖際落
山中郵傳少過客資淒泊勞者務苟安寧思非所托
更聞急雨至洪濤相噴薄鬼神助晦冥天地混磅礴

病身倦輾轉酣寢絕疑愕晨興霄景澄林壑還可樂
有生大化中萬變相綜錯所遇聽自然何處匪安宅
歷聘魯中叟詠歸沂上客勞逸命分殊順佚安敢擇

過潞陽

露濕塵不起曉行秋氣清遙

作瑤

天星未沒野草虫亂

鳴途中何所見多見古軍營斷溝無新

作流

水荒隴存

古城爲問戰者誰其人總豪英當時誇氣勢畢命恣
紛爭但恨智力殫詎思時世更寂寞千載後艱勞竟
何成身亡事卽已得失存空名善者或稱嘆惡者受
譏評因之念首陽西顧清風生感此默自嘆白日車

前明

過亭陵縣學

師道古所重義與君父同自從東漢來節行著高風
繫理或訴冤死請代以躬收葬與撫孤慙惻貫蒼穹
聖賢垂大法勉孝兼勸忠豈圖訟其師擠真罔罔中
執憲者何心此輩忍見客不惟素人紀實歎上帝衷
至理有相關斯乃教化宗扶持罔失墜允藉衆贊功
末俗日悍驕童稚忘敬恭滔滔未有艾酸醜安所從
我行聞怪事竊嘆徒傷惻誰操黜陟柄幸爲懲頑兇

茸書齋舊門扇

安貧未必爾才拙本無能謬隨縉紳後誤以好道稱
搢來希一官行役歲屢仍風雪走沮洳舊路充炎蒸
山南舊草堂居處不得恒前人遺構築一椽無暇增
雙扇昔所闢蠹版同春冰三年忘葺理啓閭繫以繩
友生每謂予朴陋良可憎曷不稍修治費少力易勝
人生跡如寄外物豈須憑聖哲有廣居所貴心志弘
雄都多甲第華榱映雕甍位崇德義薄鬼神兄侵凌
顧我出野人貧賤分所應庇身何必好取足容曲肱
所冀對康時尊酒延佳朋春風日滿座涼雨宵同燈
順理覲暮息養恬神慮澄庶幾謹素節弗畔顏與曾

感橙樹有作

有序

秋林道旁有橙樹處荆棘中不知幾何年矣
會增置驛舍及夷堂基斧斤幾及遇識者知
其爲菓實之美也獲免築室旣成正值窗牖
間結實累累然可愛過而見焉感而爲之賦
詩

橙生蜀山裏蕪沒荆棘場荆棘忽剪除孤根虞見傷
幸遇識者顧扶植不忍戕築室適在茲窗牖正相當
花垂素雪盛葉茂青雲張方秋氣肅肅原野飛早霜
衆木不復榮百草已罷芳纍纍枝間實爛爛半青黃

摘置樽俎間几席有餘

輝作

光豈惟巴人羨南服亦罕

嘗鬼峩帝王宮異味來萬方何以解煩渴甘酪間蔗
漿此物倘前陳玉食倍馨香可令積疾蠲坐見人情
康惜無先容者盱彼途路長遇世良有會處已貴安
常歲寒善自保用舍隨行藏

栽栢

迂拙乖世用每蘊無窮思取效非目前遠與千載期
翠栢信良材成長計功遲茲晨斷煙雨移動盈尺姿
清廟嚴潔地聖靈會于斯豈無杞柳革不足當階墀
殷社夙所尚古制非徒爲先師實殷人植此理固宜

但恐枝幹弱不耐風霜欺培護苟無失終見盛大時
三年過人長十年壽八桶榱百年必合抱根深柯葉滋
青霄泊鸞鳳厚土蟠蛟螭豈特傲寒暑將堪閱興衰
所托况得所永免斤斧危旣膺顧盼榮復與剪伐辭
寥寥百世後神物相扶持何必爲棟梁廼見才氣施
流光若飛翰時代易推移行看好古士追說種者誰
我生素多病中歲早孱羸待爲鶴髮翁見汝凌雲枝
志士用心者濩落爲世嗤何如羣兒巧挿槿紛成籬
新栽栢爲瓠蔓所纏令諸生披解以遂生意有

作

青青庭前栢植芳春時既承雨露潤歛見雲霄姿
盛夏乏人工眼中蕪穢滋瓠壺引長蔓左右纏蔽之
晨興試行觀沉思喟然悲微物凌善類勝負關盛衰
巨葉覆其顛濃陰蜜如帷自非爲披折恐使嘉樹萎
呼童操短鎌芟彼草與茨瓠蔓亦徐解扶持向藩籬
植物共有生榮枯兩無知貞脆本天質生成仗人爲
仰惟玄造心發育靡偏私於焉別臧否可以人理推
漢昭任博陸不受羣邪欺符堅逐仇騰景略事業施
用賢必遠佞果斷貴無疑嗟余何爲者棲屑名位卑
觸物徒有懷於時竟奚裨栢也材氣良取效嘗患遲

衆人重口腹愛瓠固其宜紛紛俄頃計落落千載期
浩歌向蒼穹此意知者誰

喜修德汝器二君子偕嘉猷秀才至

宛宛心所慕盈盈日興思今辰果何祥舉目皆在茲
經時抱沉瘵杜門謝親知徇獨莫與徒有懷欲從誰
聊求古人志遠與後世期放情簡冊間庶以靜自怡
此意信似拙衆方背而馳非子秉冲襟疇能無棄遺
敝廬面落日炎暑每相欺清談偶有適四座生涼颺
久乏經世具孰正生民彝深衷鬱未宣流光迅難追
慨餘喜胥會豈以慰我私相期樹斯道與國隆丕基

又

孟春期過我仲夏始來翔只尺同里居會合猶莫常
何況涉遠道各據天一方言歸雖有期心思詎能忘
我如失羣鶴歛翮鷺驚場時逢涼飈發仰首睇穹蒼
子若隨陽鴈高舉隘八荒知時識天叙豈慕稻與粱
哲兄富文學簪筆侍賢王愛國心事苦念親夢魂長
朝退寢室靜閱書焚妙香賓僚各雨散思子不在旁
子去義所安講道信有望山河壯都會圖譜有餘芳
吊古考隆替撫時推興亡賈傳論過秦杜生賦阿房
千秋繼奇偉亦足宣慨慷顧惟河洛間神丘鬱相當

遠思百聖烈近想羣賢藏載瞻伊水濱二龍宣重光
和貞各詣極崇眇交揮揚後來闔衡條闡述爛昭章
匪是啟靈秘正途已微茫願子奮遐圖整策趨康莊
明明吾所懷暨暨宜力將幽獨靜自憫內視德甚涼
方忻麗澤益垂析情增傷遲子卽來旋網跡鴛鴦行
墜緒俟並緝他岐冀同懷重開萬古昏再覩斯民昌
溪期實在茲抱瘵語莫詳行當重執手毋使熱中腸
次鄭好義見貽韻五首

鄭子好古學天機靜而深冲然舞雩詠中有咸韶音
茅舍帶流水琴書闕清陰遊魚戲晴波好鳥鳴遶林

那得一笑樂洗此千古心

赤驥困皁櫪垂頭避駑駘王良振長轡蹴踏風雲開
古來功名際何代無奇才當其未遇時誰免蒙塵埃
丈夫亮有命勿使心顏頹

少時見白日意謂手可扳仰天邈無階狂走徒顛顛
尺綆愧深汲寸管無全斑聖途千萬里用力恒苦艱
安得驟飛龍倏爾升天關

幼安老丘壑千載想高情鄙哉華子魚軒冕良可輕
功名世不少孰與節義并至樂有天貴苟得非吾榮
臨風發長歎欲爲智者評

山中一樽酒慰此離別腸清夜步廣庭大星吐寒芒
向來負奇氣舉目空四方栖遲盛年至留滯天南荒
君看升帝閑不必真乘黃

乙丑中秋在石鏡精舍同士友翫月後二日家
兄寄示會飲分韻諸詩覽之悵然歎不得與因
奉次來韻兼柬鄭君好義四首

我來南山中正見秋月圓我家豈無此兄弟况滿前
胡爲輕別離顧影清輝寒賴有座上客共結無窮歡
愁端旋消釋言笑各開顏寄謝兄與弟明年相對看
秋霄月正好山谷氣逾清風簷敞虛牖愛此萬里明

嘉賓自遠至樂飲暢高情雄談振林谷頓令懷抱傾
叢桂困荆棘時來吐芳馨物生尚有待吾意詎無成
且終良宵會難值衆美并酒酣發長嘯似聞鸞鶴聲
惟恐日易出顧影遶庭行

開樽酌月華酒味清且醺吐氣長風生吹滅天際雲
此身與宇宙誰主復誰賓有生道爲貴萬事何足論
苦節慕夷齊延年稱羨門僊凡兩冥漠奸雄猶啖吞
山棲未爲隱頗喜離俗氛固窮固非潔用世豈吾仁
昏昏坐平旦兀兀行薄暮豈乏往來人幽懷寡清曠
辭源涇曩濬理窟增舊錮幸子有佳期欣然寫素心

玄談相應發妙理獨超悟頗憚尊酌煩易覺光景度
訕身違道遠高世遭衆惡勉矣循大中心期永無敦

題山水

昔隱林壑中不知林壑美今來在城闕見之心輒喜
楓林新受霜茅茨隔秋水安得呼扁舟遨遊五湖裏

楊柳渡

殘月墮瑤天涼風在高樹人行野色分鳥嘯巖光曙
川平愜幽眺勝境遺塵慮日出小舟橫依依楊柳渡

宿夾江寺

窗開覺山近院涼知雨足淡月透疎櫺流螢度深竹

心空慮仍澹神清夢難熟起坐佛燈前閒抽易書讀
二虫吟

翱翔暮光螢燭舉競飛附沒身煙焰間至死終不悟
日月衆所瞻嗟汝不一顧雖有向明心所從良已誤
喧喧秋後致白日嗜我肌我雖病無力掃撲亦易爲
憐汝營一飽未得死及之且復縱遣去天運自有時

郭西精舍士友同宿

淹懷終歲思幸際清宵會情深新喜集語愜孤愁退
離居積頑鄙處下多尤悔倦酬謝騫騰羈蹤損貞介
含悲靜自慨一獨招羣怪非子不我遺斯心復誰賴

天寒四野寂雲歛疎星大霜葉響枯條水灘咽鳴鶴
振衣逞玄覽妙趣超塵壒靜听一氣先虛涵萬象外
林泉皆道情縻組本天機擺落已遺榮過從敢辭憊
祛疑冀閑論立懦佇明誠頽風倘可還勗德斯無懈
追次文公先生歲莫燕集韻二首

靈臺湛無爲一念寂不起外物紛相交飛揚千萬里
哲人善操養淵澄復山峙所期天爵修詎以貧賤耻
豈無華軒客膏粱飲頑鄙道義竟無聞放浪徒自喜
滔滔從俗化悄悄爲誰美知言世所難感歎何時已
賢家居廟堂四海爲興起時乎有不遇淳風化閭里

用爲江河流處作喬嶽峙所逢異通塞內省無欣耻
紛紛卒毗輩患失誠足鄙屈身管所欲易愠復易喜
人生貴聞道外物豈真美千載簞瓢生今聞傳不已

歲除祭先奉懷家兄次文公先生病中呈諸友

韻

日月行不息我亦少安居違家今幾何忽復五載餘
微官悞人事解令親者疎每思別時語不見空中書
及茲歲將闌感嘆正躊躇祀先具薄奠撫已懷厥初
酒豈云乏獨酌悶難祛寧當解組去御子花間車

遊石鏡山訪親友會集諸公回途有作

世道久凋喪斯文難令并駕言山中遊來與子同盟
高齋在深谷側徑防險行白日亦蕭散惟聞絃誦聲
開筵動芳酌與客張華燈持盃恣歡譁聯床如弟兄
凌晨起照櫺披襟瞰前楹霜林凋綺葉秋花吐奇英
百靈競紛集萬象森羅迎佳趣心已領新詩誰與評
良會不可常俗慮仍相縈登途數回首暫別難爲情
迴溪屢曲渡清流堪濯纓離離莫雲合矯矯孤鴈鳴
乘高望遙火彷彿識巖扃勞生幸脫鞅至道斯服膺
從君來借榻棲隱謝浮名

再次石鏡精舍會集韻三首

風日濤秋晚欣此佳會并賢豪昔同調泉石非舊盟
祗應念遠別忽作山中行雄談爲絕倒空谷騰歡聲
論詩涉風雅深夜張華燈義交無老少情親如弟兄
齋中二三子侍立環兩楹把酒起爲壽禮秩交相迎
丈人名文章落紙誠世英珊瑚與玉樹對之敢譏評
乃知高世人不爲塵俗縈秋空白雲散悠然暢遐情
嗟予尚稚劣夙心會簪纓沉潛守編簡愁對寒蟲鳴
豈知金石韵鏗鏘振林垌重茲領秀句願言當服膺
匪微一時譽終期千古名

野性淡無嗜不求四美并喜茲二三友同結歲寒盟

願言道義交豈慕青雲行山深寡轍跡地僻無囂聲
曲几列遺編踈籬翳寒燈凝神對賢哲況共弟與兄
幽蘭藹北牖修竹羅前楹忽聞長者車倒屣欣趨迎
貌匪山澤癯器乃邦國英揚論徹幽邃萬彙隨品評
風雲時動盪川岳互迴縈磊落賢俊姿慷慨今古情
不耽好爵貴飄然解簪纓至今懷令望江海傳詩鳴
奇懷寄竹帛安居守林垌小子來問道仰德思服膺
從茲勉素業不媿知己名

太古日已遠轉覺浮僞并不聞金蘭契豈願同盤盟
浮雲無定態流水難西行滔滔勢利間豈識韶濩聲

翻思機巧徒明滅風前燈閉門絕聞見所親惟父兄
丈人忽來過雅淡振軒楹山禽競喧呼童稚亦歡迎
清詩多古調妙論超時英富貴苟不累貧賤孰能縈
羣賢共舒眺萬物屬品評星斗羅奇襟風雲動高情
瞿瞿世儀表濟濟古冠纓孰知枳棘間尚有鸞鳳鳴
鰥生寡交接遊息在村壩偶茲觀美德夙昔當服膺
幸托龍門賞終期崇令名

病眼喜郡守見過

目疾不飲酒昏昏心意煩忽聞郡守至出戶強開顏
覩覩溫粹姿復聆豈弟言乃知盛明世屬任多才賢

神歡坐忘疲欲起屢相援筍蔬雨餘美細酌林花間
風煖落英過日斜歸鳥喧苦云事填委未暇蘇痼痼
高位不易居斯民良亦難一夫或凍餒仁者爲悲酸
腐儒實無能教士慚素餐臨觴願有祝早使羣黎安

題信可時經歷熨帛圖

聖主恩如天賜帛一萬匹承之錦繡段重之踰金壁
西風摧刀尺將爲君子衣熨貼旣勻調粲粲光陸離
防胡猶未已行役何當歸爲君重着絮此地饒寒威
奉懷太史公用盡字韵

隆替有恒期舍生會當盡獨遭誣枉構旣往有餘愍

哀彼草昧初遺黎困戈盾英雄逞割據未暇分牡牝
公來作著龜王略見封畛上爲宗社鎮下爲邦國準
旂常揭日月鐘磬羅簋簠諷諫陸賈多制作張華敏
格天誠密運恤物涕潛隕氣回窮冬溫力導大川引
竭忠職調護垂老辭疾疢謂可樂桑榆相從拾芝菌
安知事乖謬玄造獨何忍顛頓萬里行流離闔門殞
所餘已無幾猶受饑凍窘自顧愛深知無能效賑賑
是非屬公議不以窮達泯終古仰大名昭回配箕軫
紛紛榮辱論百世同一哂三嘆秋風前日送高飛隼

鄰父携酒相飲

夷惠俱可慕清和合天真汨予流俗中豈暇思古人
抱拙耻爲佞遇物展殷勤雖無失已尤事過每自哂
鄰翁偶相訪延坐列主賓爲言秣田登願我嘗其新
巨榼傾濁醪鷄黍雜前陳持盃強歡飲禮率意態親
顧予寡德業無以給比鄰何階及爾輩愧此風俗淳
酒酣述往事所歷多苦辛却憶全盛時無言指蒼旻
世運有隆替玄造豈不仁父老且少安汝本三代民
九重敦政教萬幾盡經綸行當被嘉澤鼓舞歌聖神

二禽咏

鵲噪未足喜鴉鳴未須憂天道神且遠微物徒喧啾

翰音善司晨不免供肴羞鶴鶴至高潔所識惟林丘
鴻鵠隘八荒但爲稻粱謀文彩美孔鸞繒繳或暗投
况彼鴉與鵲志非衆鳥儔質陋羽翮短雲霄非所遊
性貪嗜飲啄逐逐不自休饑則搖口吻向人如有求
何能洞先幾兆與天心侔禍福有定命所致各有繇
人理固坦夷鬼神良昧幽苟中存仁義自可無愆尤
何須浪悲喜爲禽鳥詭譎來寅慰韓愈惡聲感黃州
好怪失所守二子非英流吾方友千古遠法孔與周
考祥視素履樂道以夷猶

敬次張南軒贈朱文公韻送董公

昔忝國士薦觀光帝王州強言酬顧問流汗對冕旒
有詔試文章下筆心懷羞退朝東閣下獲與夫子遊
夫子燕薊來氣貌何休休至尊重純德特爲儲王留
出入朝兩宮寵恩正綢繆予時報聞罷歸飯田間牛
升沉本命分出處非人謀安知十載後握手梁山幽
蛩鳴月耿耿鴈度風颼颼話舊若夢中一笑忘百憂
况茲林泉窟足以寓冥搜仰看岷峨峰俯視江漢流
敬慎以爲楫忠貞以爲軸居夷聖所欲勿憚道阻修

題童賢母卷後

南山有喬木柯葉敷重陰匪惟雨露滋土腴根本深

童氏秉孝義兄弟同一心構獲良足多先澤久浸淫
卓哉賢母行鄉邦迭嗟欽婦道盡恭睦庭訓肅規箴
牧殍麾廩粟收宗散羸金生業隨日增善積祥慶尋
繩繩益斯應玉立蘭芽森玄理諒靡潛令德斯鑒臨
垂裕既有始濟美宜自今永言引弗替百世流徽音
應教恭賦靜妙軒

世故役羣動方寸如旋蓬孰知神妙理乃在玄默中
至人本無爲清明常在躬百念寂不起湛然與天通
庶政或前陳聽斷每從容化原有餘地善應無留蹤
齋居樂康時爐熏颺微風忘言對絳帙端拱師黃農

茲惟文獻邦富庶古莫同載敷嘉靖治會見躋時雍
宋五公

李文靖公

李公安平相雅識極淵永惓惓閔無告扣陛日有請
格君古不易慮國存要領紛然土木興始悟先幾炳
王文貞公

盛德每多容平世喜迂怪公操鎮靜量不幸當其會
神書祀河嶽王府窮賞賚昭昭知過心寵祿有餘悔
寇忠愍公

寇公社稷臣識遠才亦果張皇澶淵符佞幸慚計左

青衫老作吏赤子淚交墮宏謨雖不終亦足振嫺情
范文正公

布衣憂社稷此義古亦然桓桓高平志致主二帝前
時屯道難合謗息名愈全繼明有良胤千載陋韋賢
司馬溫公

傾否難永圖拯溺有遺巧肫肫反正力誠節

作動穹

吳羣邪競廻遁善政恣紛擾廢興豈人謀千秋仰元
老

訊寢

尊生道不足衛生亦無計微河忽相侵坐爲肢體憂

凝冰集寒氣挾纈思重裘虐燄繼踵然絺綌不願留
陰陽各用事對處天一畎如何兩相值追逐同仇讐
弱質受摧沮有似中喝牛有耳不解聰有目等無眸
舌不辯辛甘鼻不別薰蕕耳目口鼻官焦然共懷愁
謂此果誰致試與天君籌吾觀今之人紛紜劇虬蟬
日趨紅塵市夜醉笙歌樓緣情喪恒性縱欲戕天猷
告之養壽命大怒不領頭云胡反無疾健捷如猱猴
方子頗好道少以禮自修觀其居家庭未嘗暫嬉遊
旦食不暇飽夕夢孔與周生疾豈有端天君亦知否
天君聞之笑汝言理誠優子病殆天意皆非汝愆尤

惟天生俊哲蓋爲萬世謀大欲扶三綱次欲叙九疇
安能閉關臥縮首鳴啾啾孔孟處衰世奔走摧輪輶
寧不懷宴安此道難中休天令所賦授與古豈不侔
恐其不自強降疾警惰媮方子暫邁疾身疲而無膏
忍見萬赤子病者半九州子能憂斯民厥疾當自瘳
苟徒念一身壽考吾所羞耳受口以告日鼻涕泗流
方子豁爾寤百體頓和柔再拜紀嘉言可以垂千秋

次修德雜詩韻

三首

通衢夷且直舉世所共知求端達往轍顛躓終無歸
達人解至理秉心若明曦敬恭視盤鑑齋莊整裳衣

昭昭奉一德，暨暨滅衆私。爲仁諒茲在，彼狂胡弗憑。
制變易爲失，所貴謹未然。本心秉靈德，洞鑒蚩與妍。
譬彼達海流，出自山下泉。積久諒益深，雲濤鼓風湮。
始學誠已誤，補過幸有年。力微道尚遠，感此徒煩悵。
神龍臥深澤，不若抱甕滋。白日閤重陰，不如寸燭輝。
賢豪初未遇，但覺吾道非。紛紛當途子，權勢衆所歸。
兩生困蓬蒿，屠販建旌麾。斯事自古然，今人安足悲。
初冬雨中獨坐

吾廬混人羣，來往劇鼃黽。頗欣夜雨來，頓使蹤跡屏。
滔滔流水聲，悄悄耳目靜。風窗試展書，佳趣倏已領。

平生烟霞癖夙昔慕箕穎抗懷軒冕上雅志星日炳
寧知墮俗流汨沒未獲逞奇懷獨不忘幽念時自省
豪雄外身名曠士賤鍾鼎欲語嗟莫同長歌碧林暝

雜詩四首贈林嘉猷

伊周不治經董賈不言文宏謨塞宇宙高論追典墳
如何末代士操觚動成羣但要言辭好不顧心志分
至道豈難行彝倫人共聞勉哉不遠復恭默事天君
循循永不逮頌頌善或虧古人患才難何以當世推
自吾行四方所見多有之豈乏俊爽流未足慰我思
聖道充天地其微入毫髮非精莫能察非敏莫能爲

致用貴不頗篤守在不移歸來賢哲事皆本純粹資
顧予亦陋劣前徽亦能追仰止二三友有過頻相規
操行一不慎坐取終身憂發言一不思或爲萬世羞
過小莫吝改進德勿厭修誰能百無爲自效孔與周
載籍彌九有羣言劇毫毛棄置慮術踈窮探畏心勞
何繇領其要可使道藝高聖學亂百家黍稷雜莠蒿
良農善別識培溉復芸耨取大成吾身致用同伊臯
彼哉溝澮魚豈足連九鰲

次韻贈國亮經歷

君侯昔筮仕匹馬之幽并先子守東藩始結鄰壤盟

寧知十載後握手山中行
鬢髮白欲盡韶光復潛聲
話舊若夢覺痛飲張華燈
尚欣古義敦愛余均父兄
雨洗秋色淨羣山擁前楹
山鳥喜客來飛鳴似相迎
緬想天下士公是世外英
流俗何所知紛紛好議評
莫邪雖在土龍氣上迴縈
自非水鑑識誰知江海情
談詩較李杜起舞笑絕纓
太音人間寥厭聽寒蟲鳴
麟鳳居空谷何繇在郊坰
處世媿郭泰通家慚李膺
巖樓倘有約相與棄榮名

雜詩四首

相如妙文辭高處無與敵
多財爲身累終老汗名蹟

人生取子際千載觀令德苟富何足論喪節良可惜
好名未知道古人有揚雄著書欲傳世不暇修厥躬
聖言德之餘屈伸與天同哀哉大節廢豈足稱固窮
賈生信英才蚤識當世事身逢致治期遇主亦天意
道高固難合流俗工媚忌一死尚足多千秋想奇氣
幡幡市井人出納量錙銖積財至千萬侈然夸有餘
華堂占廣陌列肆遍通衢朝餐聚俠客暮飲羅名姝
一朝與法遇家破及妻孥金玉歸縣官不能贖其軀
郭解旣夷滅季倫亦門誅安知子原憲窮巷歌唐虞

修德以詩寄次韻

藜羹淡無和腐粟春難圓羞將饋俗賓歡笑置子前
子豈乏粱肉對之每欣然云胡恐費我來徃動經年
子行信勞止吾道良足憐深期挹嘉話不必枉華牋
抱疴百日臥欲言無與朋敦敦守一床髮脫影如僧
豈惟形容悴智識無繇增視此不棄捐子心一何弘
細人忌名軋俗士爲利情孰能使余慕君子固有恒
營營苟得者忍以利易生徇欲遂忘反捐軀匪其情
古人崇仁義講切極粹精於斯弗自得猩狖垂紳纓
貴有不足懷賤有不足輕景公徒千駟子真豈其卿

再和并簡林嘉猷

夜光自有輝不因磨礪圓
騏驥自致遠不以鞭策前
古來知道者天質固使然
師友發其微成德在早年
余少稍有慕今也反自憐
子誠肯開我嘉言著來牋
十年窮取友四海幾得朋
豈惟得吾徒旁及老與僧
自昔得王子勃鬱氣爲增
子才信已毅愧我德未弘
所患涉道淺未免臨事情
何繇與子隣講習日可恒
溫溫我所愛處子有林生
匪惟質柔嘉迥出遺世情
從我南山遊斷雪煖黃精
共悲徂喜怒靜閱猴冠纓
生也尚審思勿言韋布輕
巍巍孔子孟業豈以爲公卿

送一宗和尚次蜀王詩韻

有序

成都大慈禪師欽公一宗與余皆天台人雖
所趨殊途而相見萬里之外有足樂者今將
暫還故山謹次賢王殿下賜草堂長老詩韻
以寓別情里中故人有相問者幸爲謝之

浮雲在山中浩蕩隨去來來非有所係去亦忘所之
若人釋門秀矯矯孤鶴姿林泉三十年喜譽如波馳
平生西方學所蘊未及施一朝忽乘興來謁岷峨師
微笑坐談空傾城走羣縉遂令好事者懶問子雲奇
清香焚栢子細雨灑楊枝相逢話鄉曲塵尾不暇麾
越蜀萬里途各處天之陞胡爲偶至此欲語忘其辭

歷歷世間事，星星髮中絲。迢迢無所嬰，老大祇自知。
巴江復舉棹，故廬訪遺基。散懷天台月，濯足橫溪湄。
我亦倦遊客，歸耕有深期。身在華山陽，夢繞大海湄。
徘徊將何說，祇恐負明時。

家兄寄中秋會飲詩，因分韻述懷以答。

時過不自惜，長年轉多憂。壯心若湍水，湧激不少休。
念昔童稚日，此身百無愁。良宵見明月，喜躍如有求。
大母方壽康，諸祖未白頭。開筵羅廣庭，蔬果問殽鱠。
先公奉觴起，叔父迭獻酬。玉立四五人，文采皆璚瑋。
酒行聞雅歌，鹿鳴和呦呦。豈無辨難言，禮義皆先猷。

脫略經萬事高視曠九州每卑楚漢業或誤良平謀
奮袖時抵掌舉箸借前籌坐間二季父豪俊邈無儔
慷慨頗蠶起自許公與侯酒罷寧復眠長吟倚危樓
夜闌得秀句叩戶來相投我時被鍾愛兄弟共譁咻
席賓欲亡酒輒笑牽衣留轉眼二十年存忘兩悠悠
庭闈音容絕門戶變故稠巢壞鶴上天雷行龍脫湫
惟餘老仲父衰髯對清秋今歲月最好我適南山遊
含情面樽俎感歎蓋有繇伯氏欲相寬新詩遞來郵
發函清淚墮紙濕不可收永思舊所見一往如川流
于今會飲歡頗似昔日否我家勢運謬難與時人侔

營彼百年屋不足施雕鏤願伯善扶持重使楹棟修
庶免傾壓虞百口蒙庇庶我愚吏懶惰樸學愧前修
術疎何所成言高每難讐空懷濟物志夢寐談孔周
歲華易爲度自哂等浮漚長恐墜遺業上貽先人羞
伯也幸憫我正救愆與尤復爲戒諸弟敦睦無相尤
道德在詩書爲生視田疇天倫苟足樂外物皆懸疣
骨肉豈異人風波同一舟持家尚禮讓處衆貴和柔
堂構倘樹立梓杞加丹髹重還當時盛豈特才藝優
世欲登虞唐吾將老林丘終期友樂黃髮叙綢繆
深衷久有懷對月偶歌謳歌竟視天宇寒光衝斗牛

寄好義

同鄉不相見動涉秋去春何意忽來翔會合當茲辰
雄談有遠趣文采驚世人譬彼隨和質衆目咸知珍
陋俗乏奇士懷抱鬱未伸每思伊葛流磊落展經綸
志大固難售心孤邈誰親君來起我意頗覺氣爲振
炳炳千古事悠悠三代民舉首視大荒汗顏慚此身
深衷非一端欲語未及陳胡爲復求去重使別恨新
夙負江海情耻爲兒女仁賢豪日衰謝感歎易悲辛
涼風吹碧海月露洗高旻酒至且持飲言歸何所嚙

送友人之雲南教官

地遠會面難情深嗟別速今衝微雨去欲向誰家宿
山城碧雲裏茆舍清溪曲莫厭官寂寥終期化夷俗
中山晨望東錢克溫

月落江水明踈鍾發林杪濛濛山氣合歷歷川光曉
夢靜玄化機縱意羣動表悠然悟真趣忽覺天地小
是身本無累萬事相紛擾願釋經世情於茲共幽討

閒居偶題

雨歇堦草淨鳥鳴叢竹中偶無輪鞅過遂與山林同
晞髮庭際日振衣松下風自非捐世故誰得此相從

勉學詩

二十四首

殘燈結成花枯竹化爲菌凋零如此物秀氣終未盡
人心最靈智自棄獨何忍聖門本弘大梯磴多接引
曾高愚魯資直解配顏閔流年急如箭髮白難再鬢
及時不努力老大成蠢蠢

樹木生有枝子弟教及時七年異男女八歲分尊卑
二五學書計逢人多禮儀三五學射御四五加冠綬
今來謾不省古道當如茲欲作高高臺爲爾寬作基
欲求深深井爲爾遠爲期不聞鄒孟學還自俎豆嬉
人材日衰少善保膝下兒

兒童聚嬉戲不離父母傍父母顧盼之百憂爲爾忘

惟此慈愛心比同春日光陽和透地脉草木俱芬芳
兒身已長大能不念往常愉色與婉容傾心奉高堂
嗟哉力何短父母恩甚長

上堂拜父母甘旨手自供入廟羅豆邊祀我祖與宗
死者魂魄安生者恩義隆一門無二志誓效生春風
豈惟薰閭里上聞天九重祥雲及膏雨滋我庭下松
孰云唐虞遠不得身遭逢繇來豪傑士世世皆時雍
藹藹桑梓樹遲遲杖履音未瞻父母顏已起恭敬心
樹木手所植杖履身所任此物猶足重况彼鍾愛深
父愛我亦愛不間獸與禽六親同骨肉何以能相侵

莫驅屋上烏烏有反哺誠莫烹池中鴈鴈行如弟兄
流觀飛走倫轉見天地情人生處骨肉胡不心自平
田家一聚散草木爲枯榮我願三春日垂光炤紫荆
同根而並蒂藹藹共生成

妻賢少夫禍子孝寬父心不知何人語相傳猶至今
室家兩相好如鼓瑟與琴二親豈不驩花木羅春陰
雖云一樽酒共酌還共斟物情動相失安用儲千金
家睽在婦德彖繫有遺音

內則記孝養檀弓著哀思寥寥三代音於此獨見之
我欲繪作圖豈乏丹青師丹青狀形體性情那可爲

冬夏適溫清芳鮮在盤匱二親未飲食如子渴與饑
柰何報本心限以百歲期飛鳥失其巢尚且鳴聲悲
創鉅痛亦深衰麻交涕洟聖王爲制禮進退隨天時
千人萬人心一人心可知

譙人夏侯氏有女志獨高夫家盡蕩滅節義終持操
榮華昔共享禍患今同遭妾身偶生存志已埋黃蒿
親戚勿訝我人類異羽毛引刀斷耳鼻見義不見刀
至厚莫如地桑田變波濤真金不畏火見此女兒曹
結交如結心取士須取德古交金百鍊古士麟五色
如何當世人作事多傾側甘言轉相媚內險不可測

青青好禾稼生此螟與螳堂堂美少年化爲狐與貳
人心天機在利欲日夜昏好苗莫助長惡木先除根
斧斤一時緩惡木何繇斷莫畏根株深所憂筋力短
言人語何少凶人語何多言亦反覆簡默終無他
一磨白圭玷言玷不可磨有口號談天有辨誇懸河
心原一已放觸物生偏頗悠悠百年內榮辱當如何
驅車入東洛策馬上西京所遇何表表莫非公與卿
旌旄出廣路百步辟人行前驅與後擁不絕如雷轟
人生處困阨孰不思寵榮此途良足樂此任苦不輕
丈夫誓許國身作萬里城永懷鼎足戒毋使公餽傾

五行各異氣萬物無全材聲當配匏竹味卽調鹽梅
何器不適用有根當復培山中多松柏城中多第宅
孟嘗千金裘一狐難取白

田單拜齊將卽墨乘孤危羣心效死鬪燕士不敢支
一朝寵祿盛惜身思自持小敵竟不下大寇空若箕
功名每如此樹立終陵夷國家匪憂危寵爾將何爲
動懷首鼠計退與災禍期向非魯連子身死節亦虧
鸞鳳寡儔匹玉樹少枝柯貴人在高位骨肉苦無多
輕車駕駟馬妙舞隨清歌獨樂不如衆中心欲如何
東家借一軸西來求一梭織成十丈幕周我堂之阿

至親隔咫尺舉首如山河

人生四海內同作兄弟看一夫向隅泣滿座爲無歡
豈我無衣裳念爾饑且寒豈我無梁肉爲爾不能殮
羣生本一原有此惻隱端胡爲自汨沒功利日相殘
辟如同母兒給之豆與簞奪彼以與此終非心所安
飲馬長城窟窟中水無多秋風動百草水面亦生波
長城備外侮室內起干戈非關絕地脉乃是傷人和
不見豐水上靈臺鬱嵯峨前有大雅詩後有秦民歌
鋪塗得苦水流毒如江河

黃河西北來云自崑崙坻經行非一山回薄半九州

上有不測源下有無盡流萬化同此機不知幾春
分明天地心不爲淺狹謀癡人用小計顛倒若無求
安得申韓氏化爲古伊周

布帛文被體粟菽味充饑常人未識察往往爭好奇
貪奇不願寶刻成無當厄大鈞播萬類瑣細各有宜
得時易長養失叙徒施爲哀哉楊朱淚滴向他路岐
正途亦甚坦舍此將安之

蜘蛛解布網蛄蟻能轉圜萬物各有役何人得安然
周公貴爲相仰思夜不眠仲尼大聖人易書三絕編
孰謂我有耳不聞古所傳一聞敢自墮勇志如奔泉

好龍非真龍藻繪等兒戲懼虎思虎傷聲容凜然異
六經豈虛文中有無盡意一從河出圖光景不可闕
皎皎如日星悠悠在天地青編積几閣翻閱何容異
曾參之一唯已往難再值

勸爾一盃酒君行莫匆匆君心難欲速道路久乃通
東可窺大壑西能越空同不憂歲月晚但憂筋力窮
三年成片楮九年成一弓制作雖云難爲藝則已工
小事可喻大願言置胸中

離離園中樹花開動無數或紅如丹朱或白如瑩瑩
今日正自佳明晨不如故易盛還易衰浮華眼前度

物情何參差天地均雨露南山有松栢壽並金石固

寧海儒學教諭葉守暢

王一友

訓導

丁良譽

較

方正學先生遜志齋集卷之二十三終

贈

丁貝譽

傳

王一來

寧遠書學錄餘葉字號

陳辭何參差天賦以而覆南山木欲醉壽並金可周

方正學先生遜志齋集卷之二十四

明盱江張紹謙道益纂定

越州盧

演輯訂

十世孫

忠奕

十一世孫

振節

編

淮南後學俞化鵬青嶽重纂

桐鄉姚弘源
同里葉大魁

全較

十二世孫

潛

十三世孫

聲

濶浩

重編

蜀王殿下賜行厨酒膳奉謝

天門傳詔飛金符帝子發春朝帝都萬里巴江引軸

轡朝離瞿塘莫荆巫牙旗羽扇昭江湖馮夷操楫龍

伯扶威振海若警天吳衮衣登朝玉陛趨至尊撫問

情鬱紆奏還大國天語俞却從周秦行坦途乘傳西

來試馳驅日行三百尚未哺親藩留晏窮歡娛秦民
擁路觀金輦口稱盛德目睢盱共說賢王世所無南
入荆門喜氣蘇蜀邦密邇忘崎嶇山花爛熳雲模糊
綠樹清江如畫圖漢中小臣章句儒早向王門曾曳
裾是日來迎拜路隅按轡遙看笑且呼暮抵行宮侍
直廬華燈炤夜鋪瓊瑜從容前席講典謨玄談蟬聯
如貫珠上探千古周八區鄙諂榮辱聖爲徒更闌喜
極行玉壺叩頭舉白紅生膚侍臣奉教恩意殊大官
美醢貯行厨特賜歸飲不用沽上尊珍味甘相腴受
之無功辭有辜心感王恩厚矣乎獻諸祖禰頌妻孥

招致朋僚洗蠱觴共飲相歡同賜醕平生飲水兼茹
蔬祗將鉛槧代耕鋤近爲簡教食民租尸居靜閱年
歲徂世人視之等泥途賴逢聖主意氣孚討論聖猷
師古初經綸萬里髮在梳小臣學術本麤疎志廣年
荒才更迂量同溟海肯納汗欲致衆駿先收駑願王
道德爲世模摩撫疲癯恤鰥孤南漸瀘戎北羗胡陽
和發生無朽枯育民興賢語不誣行致孔明與夷吾
共康國政秉事樞保釐西土佐唐虞不數蠶叢及魚
鳧吾王端拱化日舒從此感恩非一夫

歌風臺

歌風臺下春水黃歌風臺上春草碧黃河之水日夜
流碧草年年自春色漢祖當時爲帝王龍泉三尺飛
秋霜五年馬上得天下富貴樂在歸故鄉臺前老人
爭拜跪在杖屨衣見天子龍顏自喜還自傷一半隨
龍半隨鬼翻思昔日亭長時一心捧檄日夜馳卽今
宇宙過四海一榻之外誰撐持却令猛士鎮寰宇安
得長年在鄉里可憐創業垂統君后使乾機付諸呂
淮陰少年韓將軍金戈鐵馬立戰勳藏弓烹狗太逼
迫解衣推食何殷勤致令英雄遭婦手血濺紅裙當
斬首蕭何下獄子房歸左右功臣皆掣肘還鄉悲唱

大風歌向來老將今無多咸陽官闕親眼見不然
棘埋銅駝臺前老人淚如雨爲言不獨漢高祖古來
世事無不然稍稍功成忘險阻荒祠古廟名歌臺前
人已盡今人哀感激悲歌下臺去斷碑春雨生莓苔

潼關

潼關將軍才且武五千士卒健於虎朝廷養汝爲阿
誰盜賊公行如不覩昨日官軍將到關西風放顛塵
滿天錢囊衣篋繫車後歛來掣去同鷹鷂南望京師
五千里僮僕所資餘有幾離家漸遠親故稀向我長
號淚如雨嗟嗟僮僕汝莫愁聖人在上治九州會看

通志卷之三
海內皆富足關不須防無盜偷

淮陰

淮陰城頭落日黃淮陰城下秋草荒古城西繞淮水
長猶如背水陣堂堂當時大將功無雙顛羸蹴項勇
莫當丈夫何乃爲假王至今遺恨令人傷漂母一飯
千金償解食推食那敢忘相君之背貴莫量蒯生此
語無忠良慎弗出口遭吾撞歌風帝子歸故鄉思得
勇士守四方胡爲鳥盡良弓藏

題嚴子陵

敬賢當遠色治國須齊家如何廢郭后寵此陰

糟糠之妻尚如此貧賤之交奚足倚羊裘老子早見
機獨向桐江釣煙水

赤壁

東夏口西武昌赤壁峭絕當中央奸雄將軍氣蓋世
敗卒磊落慚周郎得鱸魚沽美酒孰若黃州蘇子瞻
謫向江湖動星斗噫吁戲曹公氣勢蘇子文章人物
銷鑠塵跡荒涼惟有江水千古萬古空流長

弔李白

君不見唐朝李白特達士其人雖亡神不死聲名流
落天地間千載高風有誰似我今誦詩篇亂髮飄蕭

寒若非胃中湖海濶定有九曲蛟龍蟠却憶金鑾殿
上見天子玉山已頽扶不起脫靴力士祇羞顏捧硯
楊妃勞玉指當時豪俠應一人豈愛富貴留其身歸
來長安弄明月從此不復朝金闕酒家有酒頻典衣
日日醉倒身忘歸詩成不管鬼神泣筆下自有煙雲
飛丈夫襟懷真磊落將口談天日月薄泰山高兮高
可夷滄海深兮深可涸惟有李白天才奪造化世人
孰得窺其作我言李太白古無雙至此采石生輝光嗟
哉石崇空豪富終當埋沒聲不揚黃金白壁不足貴
但願男兒有筆如長杠

題李白觀瀑布圖

天寶之亂唐已亡中興幸有汾陽王孤軍匹馬跨河
北手扶紅日照萬方凌煙功臣世爭羨李侯先識英
雄面沉香亭北對蛾眉眼中已見漁陽亂故令邊將
儲虎臣爲君談笑清胡塵朝廷策勛當第一珪組不
敢縻天人西遊夜郎探月窟南浮萬里窮楚越雲山
勝地有匡廬銀河掛空灑飛雪醉中信馬踏清秋白
眼望天天爲愁金閨老奴污吾足更欲坐濯清溪流
英風逸氣掀宇宙千載人間寧復有夢魂飛度斗南
傍笑酹廬山一卮酒雲松可巢今在無九江落照連

通志齋集 卷之二十四 五
蒼梧欲從李侯叫虞舜盡傾江水洗寰區

題李白對月飲圖

明月出高樹上懸青天中下有萬頃之長江揚波泛
彩清若空江風吹人色淒凜此時對月誰能寢十千
斗酒何足論舉杯宜就花前飲花前飲酒無與儔酒
酣意氣輕王侯抑招行雲不可得但見月與河漢俱
西流僊人伐桂樹玉女倚瓊樓顧盼暫相悅棄去終
莫留昨日已浩浩今日復悠悠人生如飛光及時不
飲空白頭君不見月中玉兔搗靈藥不能醫此萬古
愁何如醉臥長不醒天地與我同虛舟混混六合間

浩然何所求

徽宗花鳥圖

宣仁升遐司馬死宋祚當時已中否豈知禍亂猶未
休更立端王作天子簡書四出捷星馳重見熙豐舊
設施太室旣崇荆國祀朝堂新刊黨人碑廷臣往往
多鉗口四海禎祥無不有萬金寶藏造池臺千里樓
船載花柳君臣自詫文德修不數唐漢追商周陳鍾
考鼓按雅樂厲甲揚戈昧遠謀宮中從容萬機暇酣
飲逸遊忘晝夜御輦時過宰相家微行或飲倡樓下
宣和殿內玉屏風綺席金爐處處同詔遣內官宣畫

史時拈象筆極形容神機密運回天巧萬歲齊呼盡
稱好玉礬裝軸錦裁題墨署花書朱篆寶心怡意適
藝愈良自道丹青過百王盡將兵籍副邊將還信奸
臣斥俊良契丹滅後金人喜猶剖王封賞閭豎露布
初騰紫陌塵天驕已渡黃河水汴京鎖鑰一時開雉
扇鸞輿去不回圖書萬卷入沙漠奎壁無光天爲哀
祗今俯仰三百載南北興亡幾更改廢陵已發社無
基尺素誰家尚收在吾知此畫非人爲當有神物常
呵摩故留花鳥在人世要俾後來懲戒之古來君德
在仁義小技雖工何足計不見昭陵一藝無倖績鴻

名炤天地

錢氏家山圖

錢君望鄉勞夢思陳君奮筆爲寫之毫端歛吸驅鬼
物風霆捲地山川移紫雲峰高當面立獅子灘聲轉
山急翠竹搖風市塵遠青楓夾路樵歌入山脚盤迴
到石門桑榆深映數家村百年丘壘澤未泯中古衣
冠今尚存高堂老人年八十皓首紅顏瞳點漆柴門
拄杖望兒還坐聽庭鳥心若失錢君一見增喟傷此
身如在淮水傍摩挲門戶欲歸去細看無路墮渺茫
乃知陳子善戲戲故假丹青惱胃臆世間萬事無不

然畫地作餅安可食陳子亦是憶家客不特戲人兼
自釋沙際扁舟已上檣何當共載歸故鄉

題南屏對雪圖

昔年歲莫京國還艤舟夜宿南屏山山風吹雲天欲
壓夜半大雪埋江關清晨倚樓望吳越六合玉花飄
未絕恍疑江水駕山來萬頃銀濤湧城闕山僧好事
喜客留置酒開筵樓上頭玉堂僊人宋夫子紅顏白
髮青貂裘坐談今古如指掌共看雲收月華上寒輝
素彩相蕩摩碧海瓊臺迭蕭爽酒酣擊節心目開慷
慨弔古思英才荒祠古柏岳王墓廢湖殘柳蘇公堤

一時嘉會難再得僊人上天塵世窄王子何年繪此
圖正貌南屏舊遊迹吾知王也奇崛人新詩妙墨俱
絕倫偶然揮灑豈無意神授髣髴存天真世間今古
同飛電回首人豪都不見空有羅山石室書夜夜虹
光射霄漢

江山萬里圖

我昔奉勅辭金闕西下巴川持使節僊槎二月出龍
河萬里春風掉晴雪吳江茫茫入杳冥棹歌初過峨
眉亭錦袍不見李供奉白雲遮斷三山青烟蕪漲綠
知何地白鳥雙雙沒淮樹片帆風滿疾如飛矯首驚

看坼流去大孤小孤橫雪波匡廬五老青嵯峨九江
秀色嘆竒絕半空飛瀑懸銀河推蓬竟日閑吟倚瞬
息舟移洞庭水君山如黛壓中流十二煙鬟鏡光裏
好山遠自峨眉來瀟湘練明天際開疑峯九點落空
翠重華孤墳安在哉武昌地轉多遺迹隔岸鳥鳴瞻
赤壁烟焰旌旗魏武兵綸巾羽扇周郎策扶醉曾登
黃鶴樓漢陽城對鸚鵡洲卽從鄂渚權朋月沂流直
上窺荊州夷陵山勢多重疊楚樹蠻雲遠相接款向
夔城入錦城還於巴峽穿巫峽神女峰前路欲迷瞿
塘灩澦聞猿啼五溪越盡見雲嶺但見鳥道青天低

萬里橋西看立馬，足跡經遊半天下。愧無草檄擬相如，笑擲橐金輕陸賈。今年詔許臨丹丘，夢中往往驚羈愁。江山誰寫入圖畫，眼中歷歷如經遊。岸巾一覽發長嘯，滿襟爽氣高堂秋。

題王叔明墨竹爲鄭叔度賦

吳下王蒙藝且文，吳興趙公之外孫。黃塵飄蕩今白髮，典刑遠矣風流存。華亭米芾稱善畫，每觀蒙畫必歎詫。謂言妙處逼古人，世但相傳倍增價。昔年夜到南屏山，堂素壁五月寒。壁間舉目見修竹，煙雨冥漠蛟龍蟠。呼童秉燭久不寐，細看醉墨王蒙字。岡知

蒙也好天趣畫師豈解知其意分枝綴葉人所知要
外枝葉求神奇天機貴足不貴似此事不可傳諸師
麟溪鄭君好奇士愛畫猶能賞其趣嗚呼世間作者
非不多鄭君甚少可奈何

矢硯嘆

吾家石硯玄玉色來自扶桑海中國盪摩日月露光
精吞吐波濤含潤澤天生奇質爲世用海王龍伯不
敢匿少時得之方外人四座傳翫皆歎息二十年來
親翰墨北走洙泗西梁益錢塘會稽屢遊歷鬼神呵
護同琪瑩水怪山精皆辟易佐我爲文寫胸臆上探

玄化與爲敵宜暢民彝輔皇極雲雨布濩飛霹靂倏
忽變遷靡定迹謬致聲名驚四方招謗速侮不煖席
其間損益兩相補硯也於余良盡職豈知萬事不可
料昔者相親今不得潼關羣盜何太劇竊瞰行人俟
昏黑金錢雖失不足歎此硯使我深痛惜我非翫物
有偏愛又非昧理苦蔽惑直傷美器不遇主有似賢
才受驅迫真卿奉使陷叛臣蘇武持節幽異域忠肝
義膽貫天地豈忍包羞汙凶逆孔子春秋至謹嚴細
事不肯登簡策大弓寶玉二物耳特書盜竊懲亂賊
我誅鼠輩恨無力著作有心禪六籍何時見汝生羽

翼奮飛重來侍吾側不然變化爲星辰炤臨下土當
烜赫外物聚散如置奕胡爲念汝長戚戚君不見自
我得之失無憾不如蕭公差達識

扇

寒藤陰壑懸風霜剝皮擣骨收溪光銀漢半邊秋月
白璫臺一幅春雲香青旗翠纛湘潭竹寶刀纖纖破
寒玉束來十二碧琅玕鳳骨凝香冷盈掬吁嗟造化
繇天功乃知製作歸良工膠漆投情作鸞偶卷舒懷
袖生清風清風飄飄可人意忽覺聲名滿天地南州
溽暑恩愛多只恐涼飈入庭樹

紅酒歌

田家八月秋秫黃
脰肩滿檐金穰穰
西成萬室喜登場
斗酒勞慶年豐祥
天台山人傳秘方
釀成九醞丹霞漿
紫檀糟頭秋點長
絳囊醃壓甘露涼
猩紅顆滴真珠光
蓼花色比桃花強
薦新設席請客嘗
風吹桂花滿屋香
饌出肥鷄一筋肪
橙斫蟹鱠雙螯霜
不須琥珀琉璃觥
不須太白力士鎗
我愛真率田家郎
磁甌瓦盆罌木觴
爛熳爲我澆吟腸
新詩吐出雲錦章
醉來興發恣豪狂
高歌起舞當斜陽
出門一笑爾汝忘
大江東去煙茫茫

食羊虎肉

白額咆哮振山谷老羝見之驚且伏一朝強弱兩不
存此肉都歸野人腹腹中惟恐相啖吞急呼美酒爲
解紛酒酣一醉更懷古千載英雄羝與虎

蕨箕行

並海饑民千百數携鋤上山斲山土蕨根已盡斲不
休力絕筋疲未言苦屋頭五日無炊煙十步九却行
不前全家性命係朝莫弱子假息阿母眠昨日斲蕨
僅盈斗今日蕨根不滿手但憑斲蕨保餘生再拜青
山感恩厚青山青山爾勿猜明朝未死携鋤來

海米行

海邊有草名海米大非蓬蒿小非薺婦女携籃晝作
羣採掇仍於海中洗歸來滌釜燒松枝煮米爲飲充
朝饑莫辭苦澁不下咽性命聊假須臾時皇天不仁
我當死况乃催科急如矢來年擬作日月期欲保餘
生更復爾呼呼棄止不復陳椎牛酹酒何爲人

遊峨嵋

楚客未丹梯近流三峽踰五溪浙僧訪佛祖一錫凌
空向西土江左儒生尋謫仙相逢共上峨嵋巔峨嵋
山高氣磅礴萬朶蓮開青挿天天高地遠望無極海

東日出扶桑赤氣衝衲衣舉光搖角巾明眼底汪洋
巨鰲動耳邊髣髴天鷄鳴龍宮對月窟曾聞謫仙遊
霞光凝不散履迹今尚留千崖崩摧勢欲墮羽流緇
侶參差坐七寶巖留供佛燈萬松竈起燒丹火風霆
蕩涵雲樹模糊虎豹接迹猿猱關呼星漢當頭手可
摘靈芝甘露無時無雲漏日兮光一線金蓮白象今
紛紛而來見萬蹟動今天樂和仙之人今夜經過忽
神驚而目眩豈事幻而說頗覩謫仙而無有杳鳳管
與鸞車塵心未斷懷鄉士青鞋復踏來時路行行回
首語青山石室無鎖門無關重來有日當躋攀肯效

趙昶嘯嘯微名勢坐令塵土凋朱顏

題萬間室

少陵老翁餓顛死意欲大庇天下人一椽茆屋不足
蔽風雨安得萬間之厦蓋覆四海赤子同欣欣言在
意廣不量力至今世俗聞者交笑嗔侯城小儒愚獨
甚不敢嗔笑謂公之意厚且真古來致亂皆有因大
臣固位謹持祿其計止爲安一身高車大纛耀侈富
子女玉帛驕里隣安危得失百不知更僭膏腴便利
田宅遺子孫生靈窮苦墮溝瀆寒士困悴無衣紳彼
也珍羞綺席歌舞燕樂窮朝昏老翁哀痛實爲此熟

視鄙夫儉子辟之犬鼠加冠巾曰我得志有不爲嫉
邪憤世欲救其弊忘貧賤至今已閱八百歲知翁之
意世獨少蹈翁所惡常紛紛候城子爲是懼人受天
地中何以不與禽獸草木爲等倫一心運萬化五性
涵義仁下補后土所不能上贊皇天之闕爨調寒暑
撫五辰大禹疏百川伊周綜理禮樂政教與世爲陶
鈞孔子孟軻不得位著書明道亦與治水拯世之功
均吾爲孔子徒忍汨流俗同沉淪故題一室曰萬間
坐覺宇宙亭毒氣勢皆前陳身賤不敢論政教誓將
修復孔業爲世開昏闇室中左右列古書亦有諸史

所筆志義之士忠良臣闕有子厚洛有伯淳羣公近
出皆鳳麟美哉子厚西銘之說何諄諄吾恐當時亦
感悲歎意故立此論可與日月同光新爲君不知此
無以建皇極爲臣不知此無以康兆民願寫此書千
萬卷洗濯鄙陋與私智使知林林之衆皆吾共出而
同娠視之不至越與秦盡變呻吟愁嘆之俗若去寒
沍逢陽春小儒不惜獨困處此室作爲雅頌歌聖神
再見中國大治同周殷

滄州趣爲台城趙生孝禮題

少年負奇志味道輕神仙縛虎千仞崖斬蛟萬里川

東指扶桑西月窟以手捫天問天闕醉中欲奪羲和
鞭驅策六龍下溟渤歲華忽復晚奇功竟無成耻作
楚狂人甘爲魯諸生俯首蓬屋中被褐勘六經憂多
髮白早觸事萬感盈擬從安期輩採藥遊蓬瀛蓬瀛
羣仙別來久聞知掉頭還拍手世上憂勞早已知身
後功名復何有棄我如敝屣不肯相攀援登高發長
嘯目送白鶴歸三山我友王子喬示予海嶠圖孤峰
拔出數千尺丹光雲彩交模糊下臨無地上極無天
淵波浩蕩望不極恍若巨鰲掀舞勢與元氣同回旋
金銀宮闕隱倒景翠綃絳節在眼前對此愜心賞便

欲乘風與俱往恨乏同心人臨歧獨惆悵趙生天資
妙訪我東海頭清談雄辨有仙趣坐覺毛骨寒颯颯
生方讀書取青紫我已屏迹棲林丘他年謝事倘相
會與爾共作蓬瀛遊

許氏龜巖行

寧海許子名續字士成年踰三十事母以孝稱士成
六歲失嚴父母氏襁抱避亂慈溪城于時鯨鯢奮擲
東海沸紅塵滿天波血腥流離異鄉幾寒暑慈母守
義志節如霜明盜平歸來閭里驚母能愛子復善教
紡績衣食使入庠序拜揖從先生所學在大倫耻以

文藝鳴家。居近市。母不樂。又爲迎至龜巖之下。養且耕。兒壯。母髮白。諸孫長大。能扶王母行。士成歲時。奉觴爲母壽。踴躍拜舞。同孩嬰食。有黍稻。殺有牲。母氏感舊涕泣。難爲情。士成念母守節苦身。賤莫達天子廷。每爲鄉閭道母事。辭旨悽咽。弗忍聽。縣令不之察。郡守不爲聞。朝家有命。誰能旌悲哉。士成之恨何繇乎。嗟嗟。今之人。豈無高車大馬。垂華纓。推恩及父母。丘壠沾光榮。立身奉法。不能謹。雖有恩寵。無繇承身死。汗辱增宗族。愧醜父。不願以爲子弟。不願以爲兄。孰若士成。隱居不仕。行修于家。馳令名。龜巖士厚。且

沃龜巖水甘且清龜巖之人誰與許子京許子之賢
母所令鄉人祝許氏母子年百齡母爲人婦法子爲
事親之準繩嘉爾母子孝且貞龜巖之高興天俱不
傾樂哉士成配巖永久流芳聲

蜀道易

有序

昔唐李白作蜀道難以譏刺蜀師之酷雪厥
後韋臯治蜀陸暢反其名作蜀道易以美之
今其詞不傳臯雖惠於蜀民頗以專橫爲朝
廷所患暢之詞工否未可知惟其意蓋不過
媚臯云爾非實事也伏惟今天子以大聖

御極殿下以睿哲之資爲蜀神民主臨國以
來施惠政崇文教大賚臣僚及於兵吏內外
同聲稱頌喜悅天下言仁義忠孝者推焉西
方萬里之外水浮陸走無有寇盜商賈駢集
如赴鄉閭蜀道之易於斯爲至矣臣才雖不
敢望白而所遇之時白不敢望臣也因奉教
作蜀道易一篇以述聖上及賢王之德名雖
襲暢而詞無溢美頗謂過之其詩曰

美哉西蜀之道何今易而昔難陸有重巖峻嶺萬
仞鑿天之劍關亦有砮雷掣電懸流怒吼之江關自

昔相戒不敢至胡爲乎今人操舟抹馬夕往而朝還
大聖建皇極王道坦坦如絃直西有雕題金齒之夷
北有瓊裘椎髻之貊東南大海際天地島居洲聚千
萬國莫不奉琛執贄効朝貢春秋使者來接迹何況
川蜀處華夏賢王於此開壽域播以仁風沾以義澤
家和人裕橐兵歛革豺狼變化作騶虞蛇虺消藏同
蜥蜴鑿山焚荒穢略水剗崖石帆檣屏履任所往宛
若宇宙重開闢美哉蜀道之易有如此四方行旅絡
繹來遊西覽德成都萬室比屋如雲桑麻蔽原野鷄
犬聲相聞文翁之化孔明之仁嚴鄭之節楊馬之文

遺風漸被比鄒魯士行賢哲方回參方今況有賢聖
右大開學館較作論典墳坐令致化希華勛徵賢一詔
刊巖穴咄爾四方之士孰不爭先而駿奔王道有通
塞蜀道無古今至險不在山與水只在國政并人心
六朝五季時王路嗟陸沉遂令三代民盡爲獸與禽
當時豈惟蜀道難八荒之內皆晦陰戎夷雜寇盜干
戈密如林今逢天子聖賢王之德世所欽文教洽飛
動風俗無邪淫孱夫弱婦懷千金悍吏熟視不敢侵
蜀道之易諒在此咄爾四方來者不憚山高江水深

爲玉泉山人題

天地直接扶桑東百川委會來無窮兩崖爲門障海
口大江中流潮汐通豐山橫鶩東奔放浪嚙沙崖穿
玲瓏翠鳳飛來白銀闕金鰲湧出金蓮宮天台赤城
此磅礴間氣往往生英雄鴻儒碩士世不乏神靈秀
異天所鍾玉泉山人獨嗜古食貧力上專而工結廬
椒江望蓬島坐看海氣浮青紅含嚼英華嗽芳潤吐
納光景噓長虹羣仙窈窕羅几席洪波浩瀚涵心胸
最爾一鄉不滿意邈焉四海將奚從日披黃卷對賢
聖上並周孔齊叢農國風雅頌導于正典謨訓誥操
厥中權謀智術競趨利玄談清議咸歸空濂洛崛起

樹名教千載道學開
育聾仁義行師佐伊
呂禮樂出治登夔龍
拯救生民布仁化此
心炯炯今昔同食息
夢寐若見之上下議
論相磨礱論交豈止
一世士直追三代還
淳風屈伸去就隨所
遇仕止進退皆從容
某山某水吾釣遊歸
來舊隱巢雲松

次河南府梅花堂韻

繡年停車汴水陽鄭
公延我政事堂是時
梁園花亂發遊蜂乳
燕春滿墻綠酒浮觴
面玉白繡衣耀座腰
金黃豈知造化不容
物俊傑俄爲土中骨
重來訪舊無一存冠
蓋年華兩飄忽堂中
遺跡傷人意粉圖素

壁銀鈎麗道廣常懷濟物心數奇竟負匡君志文章
爛熳空自苦政術廉平索誰繼官僚薦書嗟我遲妻
子思家歸未遂感此臨風涕淚垂出門上道風塵翳
西行境內五百里到處逢人稱善治洛陽城中迎歲
新正思昔日梁園春河南忽過張少府意氣還同鄭
老真蠟梅盈庭花璀璨銀燭炤夜光璘珣登高訪古
隘八極勸酒笑談驚四隣我被虛名浪羈束奔走皇
皇炊不熟明朝又度灑水西行李再經燒棧北丈夫
會合當有時各展忠貞報王國

東河驛值雪次茅長史白戰體韻

東河氣高地常冷越客入山愁日暝寒驅破帽闖驛
門敝屋踈籬耿燈影更闌藉草始一寐夜半雪來初
未省窗明恍訝烏繞樹身倦宛同蛙伏井鷄鳴起看
眼生花睡熟山童呼不醒積深已覺擁藍關勢遠直
疑沾庾嶺穿簷入隙如有求塞戶填堦豈須請瓦溝
早滴爲炊煙水面難消因泛梗樂事偏宜壯士獵清
氣先入詩家茗平舖道路混險夷蓋覆乾坤掩瑕眚
空山難行無客到高臥閉門終日靜春來一月尚嚴
凝天上何人調九鼎半生對雪走四方奇絕愛此林
壑景長松壓重龍虎怒巨石羅陳

整北風末勢

更飄揚斜照餘輝愈光炯南望殊憐京闕遙西顧頗
覺歸途永未須翫物遽憂患有形易化皆幻境明朝
陰翳盡掃除天際諸峰翠相並乘興伸眉且一笑人
生饑寒非不幸莫將詩句效蘇公淮陰詎肯儕噲等

愛日堂

白日麗青天朝出扶桑莫虞淵堂上有親雪滿巔坐
看白日心茫然長繩不可繫急景如流川羲和羲和
停爾鞭高堂一日如千年

寄貧

朝餐漿一盂莫食蔬一盤胸中六經粲星斗筆底萬

送文彥集
卷之二十一
卷馳波瀾人笑先生窮不耻先生嘆人愚可鄙終朝
醉飽百不知何異腥羶飫螻蟻世上羣兒昧重輕每
是螻蟻非先生縱令先生窮至老猶與日月爭光明
覽以德用中二友和東坡喜雨之作

席前衿佩多如雨危坐談經亦良苦講堂日宴未朝
餐舌捲唇黑面生土小齋退食聞扣門倒屣起迎咽
還吐知是兩賢送詩至笑却杜康麾陸羽錢也駿馬
氣莫當陳也奔泉勢難禦元祐詩壇不易登俱欲升
堂啟其戶文章繇來關政教道術何曾間今古每憐
陋儒不自量詆訶前人竟奚補浪與唐宋較優劣有

如癡兒侮厥母蘇公風骨真天人駭視四海手摩撫
二南洋溢騶虞出九韶銓鑄鳳凰舞列僊得道行御
風漢相閑居老食乳神奇變化脫邊幅怒罵嘻噦皆
新語眼中不復見此翁雲月江山澹難主我狂自少
喜翰墨辟若情農服田畝嘆彼么麼星辰出望公光
燄日當午二公豪健敢扳附蓄積穰穰富倉庾大篇
屬和意有餘坐覺詩名動城府當今聖朝任英俊雅
頌再作聲教普吾衰才薄子勉旃振起斯文繼前武
渡淮後寄宗文先輩及諸士友

長淮風顛浪雷吼爭渡千人喧渡口蹇驢破帽衆所

輕行李甘心落人後臨淮先生交義深視我重比雙
南金席前弟子總英俊相携擁餞淮之陰就中孫圯
藝且勇奮袖登舟氣增重扶顛禦侮况有人病身幸
免波濤恐掛帆長嘯煙霧開主人謝客緣城回孫也
追隨不憚險艱危可仗真奇才世俗結交看勢利有
勢相依無卽棄賤貧如我豈足憐脫落凡情見真意
賢豪邂逅何所無排難多繇奇丈夫古人事業望公
等欲輔國步須捐軀

次鄭好義紀夢韻

有引

昨承寄示紀夢長句諷詠之餘不勝感歎因

川增至二十五韻以道鄙懷答雅意尚正教
之

奇材偉人世不作太息斯文付冥漠承君忽枉紀夢
篇喜極長吟淚交落雄辭璀璨錯迸星斗險語鏗訇飛
電雹念我雖知意氣真感君復使情懷惡憶昔與子
在京師玉堂老僊侍幃幄冠蓋追趨禁闥深朝廷尊
寵禮數渥聲名如雷動天地震起蟄虫伸屈蠖國有
著龜民有師水之海濱山之嶽升堂執業集英彥寶
帶朱衣雜南朔朽材浪跡偏見憐繩墨匡持重礪斲
子時好修美文藝清談劇辨相娛樂公於多士雖並

收視我與君尤不薄龍驤咸歸伯樂廐天球本出荆
山璞要爲國家樹基址屬望吾人興禮樂安知垂老
萬里行直泝岷江踰劍閣死生契闊恩義垂音書隔
絕道路邈索居臥病東海上舊德棄捐徒歎忤夢中
見公疑尚存雅度高風儼如昨公之神明在宇宙陟
降炤臨焉可度或乘鸞鳳驂麒麟或奏韶夏陳羽籥
鈞天清都足豪俊講道論文恣勸諛應悲我輩混世
塵俛首顰眉語咿啞獨念靈輶客西土明詔未許歸
故宅昔蒙召見欲奏論造次自疑難感格 聖君需
澤覃萬方寧使遺骸葬夷貊子文無後善人懼馬遷

有書心事白所憂陋拙忝知己昭雪孤忠負前諾公
心豈不望後人入夢語子意甚確子兄文章極醇雅
典國製作名垣赫爲銘功行播遐邇可配史傳垂簡
策子將繼踵綰章綬便當任此千古託如吾自料乏
時才空言駭世徒宏廓水北山南結茅宇弟唱兄酬
老耕穫著書倘可寓王制未死尚期明聖學與子他
年擬見公公歸應化遼東鶴

寄修德

平生識字不滿百浪竊聲名有慚色反觀身世每自
鄙何以使子心莫逆前月馳書許訪我恐我無錢厭

賓客惠書問疾繼踵來爲賀更生重淒惻我力不能
事耕稼性又不耐營官職承明辭歸茹藜糗侯封鼎
食誰願易今年瘡鬼忽侵凌寒熱交爭類勅敵垂頭
伏枕二十旬腰腹朽羸面如腊噍乾恃粥不善飯下
牀須扶還按壁向來意氣隘九州頃步顛躓真可惜
所忻元兄督家政甌石無儲免憂戚抱書欹臥困卽
眠見客暫起饑輒食萬事盡拋思慮表一身豈卹饑
寒迫古來賢豪例窮苦屠兒販豎千金殖皇天子奪
有深意衆生淺闇何繇識君來不須念我貧厭飫仁
義非外得薄田近獲十斛麥炊之作糜可朝夕溪南

磐石廣數仞墻頭新筍高百尺竹間讀書石上卧青
雲爲蓋苔當席頗聞海上有巨鯨鼓舞洪濤氣腥黑
請君持竿亟一掣膾肉作脯如山積盡俾黔黎飽君
德與君大嚼醉千日免使窮愁惱胸臆

送劉士端歸括蒼

憶昔高皇定華夏海內遘屯龍戰野幃幰謀謨三數
公君家中丞最瀟灑軸轡十萬搗虛來帆檣蔽空聲
吼雷從容決策掃強寇手扶日月滄溟開盜犯洪都
突彭蠡砲石星流湖水沸御舟閣河諸將譁神箭穿
顧逆酋斃是時中丞謀略精指揮英傑江南平掀髯

撫掌談世事天子稱善羣臣驚寰區混一定勳賞鐵
券金符頒土壤中丞獨擅翊贊功賜號每爲諸司長
青田宰木三十年高皇僊馭亦賓天國初故老尙誰
在幾人事業圖凌煙忽見聞孫三歎息秀目疎髯遺
像逼擬樹豐碑墓道邊欲請天朝重褒錫至尊含笑
問近臣先帝功臣今有孫胡爲拂衣入山去盱食未
敢干君恩海內只今無盜賊幽州興兵惱邦國廟堂
謀議豈無人我懷中丞淚沾臆嗚呼志士古所稀留
侯武卿今是誰九原招公倘可作爲解四海蒼生危

題王節婦

妾入君門知有夫夫雖不幸夫子孤人生必死死卽
已大義一失將安圖爾有金如山我有心匪石頭髮
可斷頭可得以死報夫奚所惜幽哉倚蘭芳在彼澗
水湄荆棘非不繁永終保令姿千秋萬載苟可滅白
日成塵海成血

楊節婦

良人贈我明月珠永託團圞誓無違豈期生子髮未
髻竟以王事捐其軀妾身旣作楊家婦撫此孤兒事
堅守明月之珠深自藏千金不落他人手青絲髮斷
今復長妾心直與珠爭光推門鬻市卒不售死將地

下還阿郎玉堂學士文章伯爲發幽貞播金石千載
少似曹家妻凜凜遺風可相敵

題許節婦傳

渭水不可濁豈與常流俱節婦不可辱自與常婦殊
節婦之節良可書書出大手名斯垂嗚呼奇花異卉
人難植瑞麥佳禾不可常種得

寫懷

子規聲裏吳蠶熟星繭纍纍炤人目踏車已作春雷
鳴我獨無人冷機軸繭老蛾飛爭奈何愁端零亂如
絲多故人一去不復返徒有血淚如春波新婚已盟

未諧耦青鳥傳音在春後青春會少離別多心事殷
勤向誰剖君不見古井淵源百尺深欲汲未得勞人
心井深百尺君莫恨但恨繩索無千尋

聞鵲

不如歸去不如歸去一聲動我愁二聲傷我慮三聲
思逐白雲飛四聲夢繞荆花樹五聲落月炤踈櫺想
見當年弄機杼六聲泣血濺花枝恐污堦前蘭茁紫
七八九聲不忍聞起坐無言淚如雨憶昔在家未遠
遊每聽鵲聲無點愁今日身在金陵上始信鵲聲能
白頭

律詩

懿文皇太子輓詩十章

盛德聞中夏黎民望彼蒼少留臨宇宙未必媿成康
宗社千年恨山陵後世光神遊思下土經國意難忘
文華端國本潛澤被寰區雲繞星辰劒春回造化爐
變通周典禮寬大漢規模厭世嗟何早蒼生恨欲枯
監國裨皇政憂勞二十年龍樓方愛日鶴馭遽賓天
已失羣生望空餘萬世傳長江一掬淚流恨繞虞淵
相宅圖方獻還宮疾遽侵鼎龜懸寶命笙鶴動哀音
誰紹三皇治徒傾四海心關中諸父老猶望翠華臨

三朝兼庶政仁孝感嬰孩萬歲千秋志經天緯地才
未登宸極定忍見泰山頽聖子承皇業能舒四海哀
懿文光典冊善美過昭明曆數歸元子哀榮慰聖情
神靈遊帝所陵寢鎮天京公論當時定千秋有頌聲
虹光流渚日五馬渡江年聖質中興運天倫位正傳
德隆尊未極仁與壽難全餘慶垂千古皇家世有賢
淵默師成憲端嚴信若神承天行日月與世作陽春
銳意思寬政溫顏訪老臣至今江海士猶想屬車塵
六龍猶未御萬物已昭蘇使處尊崇位應無凍餒夫
不知天上樂還憶世間無八極遨遊暇踟躕顧帝都

斥土開瑤殿因山近翠微神輿離鶴禁天淚濕龍衣
日月還丹闕風雲送六飛太平皇業固清廟詠光輝
右十詩蓋以寫臣子之至情而寓攀號迫切
之意未嘗敢以示人今以記事靈殿適舍第
以諸生來見感泣乃書以與之然辭之卑陋
而事之隆重身之踈寡而道之崇高宜其不
足以形容之也

大行皇帝輓詩

睿哲君天下恢弘德化新宵衣圖治道側席致賢臣
王氣金臺曉仁風玉宇春忽朝雲晏駕率土淚沾巾

謝蜀王撫問賜藥六首

有序

臣伏承睿恩撫問兼賜良藥及臯比講席拜
受之餘無任感荷敬次滕訓導所寄詩韻粗
述瞻仰之誠辭句蕪拙乞垂宥察而正教之

幸甚

超悟天人際從容禮法中毫端錦江水塵尾雪山風
善共東平樂才看冀北空感恩慚獨厚箋疏許頻通
壤地三千里絃歌五十城延多漢長者座有宋耆英
立事多師古行仁不近名願存無逸戒佇見治功成
聽政憂民切虛心待士虔典章皆有據談笑總堪傳

夜月初筵酒春風廣廈璫小臣懷德處每憶白駒篇
大名傳海宇盛德冠時人文字天垂象姿顏嶽降神
仁施邦域遠年與憲章新願沐恩波濶花溪理釣緡
賢王思賤士欲爲制頽齡藥授還丹祕功存本草經
駐顏嗤鑷白閱歲比冬青倘遂飛昇去長依傳說星
服猛本王政賜皮書閣中林泉眼如電文采座生風
似可講周易寧須喚小空深思避賢者玄理未能通

應召赴京道上有作三首

搖落秋冬際蒼茫鄞越間青山欹枕過白鳥背人還
問俗鄉音異消愁酒價慳虛名果何物不使病夫閑

官程催歲暮百尺可停牽煙浦高低樹晚江來去船
青山過越少滄海帶吳偏所遇無親舊懷人興眇然
客路喜暄暖初冬天始寒近京風俗異逆浪水程艱
人語吳音雜漁歌楚調酸畏途非好友懷抱若爲寬

病中述懷二首

臥病知爲國尤須謹未形盛強多過計安逸每傷生
燮理宜修政醫治乃用兵但令元氣固四海樂昇平
故交憐抱病意厚數相過憂患人難免方書俗易訛
衛生功莫就醫國理如何但喜心無恙斯民疾更多
送盧信道漢中點兵

喜子東南秀，炤人眉宇清。早探經濟學，已負老成名。
治世難忘武，邊城要足兵。關河雖跋涉，歷覽快平生。

題萬間室

一室纔函丈，何緣號萬間。靜中存太極，圖裏看人寰。
舒卷心無外，經綸意自閑。誰能同此樂，魚鳥亦歡顏。

題曲徑

曲徑潛通市，高墻遠背村。醉眠忘作客，靜讀懶開門。
古學嗟中絕，羣經續已繁。平生刪述意，深恐負乾坤。

次韻奉寄好義四首

真齋至出見，寄詩甚惻慙。渴諷詠不能已，因

借韻述懷邑中還同宿偶作一首今并錄上
初旭濕霜痕溪流緩復奔路因頻到熟心待舊交論
山勢隨村曲窰烟接海昏知君多善教所至俗還敦
聞說幽居僻仙鬟翠嶦南陽坡饒美木曲澗會澄潭
問俗何方古藏名此地堪深期帶經往清夜擁爐譚
野性便時棄虛名耻世聞日緣多慮暗志爲好奇分
傍日翻書卷臨池寫練裙思君同雅興搔首誦停雲
混俗非真隱深居學避囂看雲山映竹坐石水通潮
道勝貧何病神完趣獨超遺經對千古意頗似聞韶
草沒堦前石雲連戶外山位居人下拙身在病中閑

出處多難事逢迎有瘦顏仰看雙白鶴暮向遠林還

歲暮寄王修德先生二首

杪歲垂垂盡寒花悄悄繁律回春有信冰動水生痕
樸學慚經濟窮居廢討論都將百年意一笑付乾坤
長嘯茅齋窄清談酒盞空天寒爐擅寵歲惡甌無功
計拙居鳩上身癯訝鶴同燈花笑愁絕故向夜窻紅
承宜隱友兄同還精舍賦短律五首爲別

風檻臨溪敞幽人稱隱居高松偏宿鷺濁水最多魚
隣父邀嘗酒鄉豪笑著書時艱知己少來往莫教疎
携友踏溪沙同尋隱者家雨多知損麥土暖喜宜瓜

身願明時棄文慚世俗誇旅懷難一笑撥遣付流霞
於世吾何補論心子最知叫閨他日恨感事百年悲
地主能投轄天閑幸脫羈談經深夜坐涼月在清池
情深難遽別送遠却同歸衣濕灑塵雨路經垂釣磯
山童迎客慣國士似君稀且復聽雄辨前賢賴發微
千載康成學羣賢惜異時典章秦火盡禮樂漢書疑
聚訟吾何敢承家子莫辭從來衆筆削萬一補民彝

次韻答錢文學二首

幽亭斜日在佳興與君同屐涓催詩雨衣涼醒酒風
鷺羣穿草白蜂足帶花紅愁散身殊健全寬雲夢胸

雲山留客住尊酒賴君同
炤影林端月清心水面風
醉書詩草黑笑剪燭花紅
不是聽雄辨難消磊砢胸

題畫二首

得意支郎畫分明是米家
亂雲浮雜樹遠渡臥枯槎
白屋孤舟迥丹崖一徑斜
何時共漁叟洞口訪桃花
曲折成千里雲山儼一鄉
林疎茅屋見水落釣舟藏
世路羊腸外仙家鳥道傍
此身何處着箕穎意難忘

寄童伯禮二首

俗薄吾深厭家肥子孰過
孝慈諸弟共才俊一門多
處世難同衆居鄉本貴和
古來修禮讓盜賊尚投戈

黍肉屢來饋寸心殊自憐傷廉增我過尙德貴君賢
握臂知身瘦捐書待病痊每懷徐孺子衰世道能全

催菊

蚤帶春泥種頻添沃壤培如何九日至不見一枝開
時過花何補天寒客懶來使須連夜發莫負掌中盃

代菊答

生意本天得無人亦自芳但能娛晚節何必媚重陽
服食多延壽風霜獨擅場祗應夷皓輩心迹可相忘

過北山翁

避世慚無術忘年賴有翁山中九日後花下一尊同

江迥宜秋色林疎怯晚風放懷甘取醉舍此更誰從
送鄭履順二首

病臥思親友幾人能見過天寒念我至風義覺君多
取士周三物論才魯四科相期曾閔上歲月莫蹉跎
學是千秋事文非一藝卑古來傳道術誰免假言辭
魯史三王政周官百世規知君美才氣慎勿負深期
峨眉縣曉發次韻

渡水簾輿穩穿林草徑微勝遊方外得樂事世間稀
風過欹僧笠雲來掛道衣山靈應待久好去莫相違

謝羣公送別

賤士何須送羣公不世情聽雞朝謁後並馬出郊行
心戀金門遠身依玉樹榮愁來今夜月兩地向誰明

道中遇盧先生

先生獨無慮作客竟忘歸謾把詩書閱寧知世事非
秋風吹落鴈江樹隱斜暉少立橋邊路相思恨久違

春和五首

幽人遊澗谷芳譽動京華暫食高山蕨終簪上苑花
醉歌辭激烈老態影欹斜願得萬間厦轉爲寒士家
山深諸藏殖海廣百川歸材蓄廊廟器文張錦繡機
魚龍將遠化鳬鶴漫齊飛爲愛賢名久人間萬事非

慨余徒就老羨子早馳名幽谷遷鶯語九臯孤鶴聲
課蒙聊給膳教子力勤耕身世相忘久山猿總不驚
念子身宜隱憂時志復存騰章吐語索句發奇言

燕雀爭栖鬪豺狼鬪食喧寧知陶靖節適意向田園
鄭生瑚璉器曾住此林丘死骨今埋土新阡誰樹楸
百年愁莫遣一夢樂誠優惟念雙親老無能爲爾謀
寄處州教授蘇平仲先生四首

懷舊輕千里無書遠七年論心思盡地會面極升天
名重連城價文雄萬斛泉何時絮卮酒紀德浦陽阡
舊習深知誤虛名久自羞故人猶比數文苑昔同遊

娶女遺言絕胡公學制優料君施善教才俊滿南州
羅山同業士存沒兩無聞未盡人間用寧修地下文
劉郎應屏跡鄭谷自清芬搔首看征鴈天寒遠索羣
昔過東陽縣知君近始來留詩徒屬和無計復邀回
賴有梁園客同傾杜酒盃死生星散後感舊復憐才

二十九日三首

揮淚劬勞日持觴孝義門敢承千古托恐負二親恩
善頌慚諸彥傷懷望九原寂寥生意盡空愧此身存
野人哀感日天子戊辰年已負懸弧意空吟陟岵篇
病身難報國歉歲欲求田築室依先隴將心訴九泉

退志齋集 卷之二十四 三
就木悲賢傑持家賴哲兄三人嗟莫並一世竟何成
毀壁千秋痛看雲此日情遙憐小兒子念我何欄楹
遣病十首

冬瘡春仍壯身羸氣覺虛
膈乾祗食粥眼眩廢觀書
行步兒童笑形容老病如
平生千古意獨在悶難舒
病疴當歲晏冬去病猶存
氣弱翻多汗心虛苦畏喧
此生應有命萬事可忘言
向晚移書卷微吟卧負暄
底用憂微疾人多悔久生
危機非畎畝高枕豈公卿
千古斯文託羣經此日情
廢典天命在得酒且須傾
急雨張燈夜匡床伏枕時
食貧宜客少身病願春遲

道豈斯文著才非聖世遺用心耕鑿外榮辱竟何施
久病諸人問深居四壁牢故交貽善藥姻婭饋醇醪
閑厭虛名絆貧知古道高時來稍暄暖斟酌絳綈袍
二月風猶勁寒生滄海波呻吟知夜永羸僊損天和
行覺冬衣重眠妨夜食多百年強壯日排悶付高歌
出戶迎人倦投床散帙迷牽衣嘆穉子煮藥愧山妻
葛令尋勾漏梅生入會稽病思方術士亦似咀雲泥
春風已兩月閉戶不相知百舌強言事衆芳空滿枝
官途多世難臥病亦天時應有簪纓者低頭羨我爲
飲酒留盃底攤書礙枕旁人扶修冠櫛客勸罷文章

穀雨催田父花時到海棠病夫渾不較流轉任春光
病久身渾憊醫疎術易窮囊空宜勿藥跡滯尚飄蓬
禮樂周秦後乾坤橐籥中數行憂國淚江海與俱東
童景純來二首

千古劬勞恨三冬瘡癘餘故交猶記憶尊酒問何如
拜倩人扶答文教子代書何時減藥餌一笑百憂除
欹枕雨聲歇竹間聞鳥鳴病惟愁是伴閑與懶相成
陸地驚茲日終天負所生一杯魚菽祭悲感淚縱橫

贈鮑氏瞻

學道懶言文君文思不羣雪消三峽水波漲一川雲

出處存父家經綸在典墳莫名詞苑傳須立濟時勳
哭吳樗庵先生五十韻

夫子嗟淪喪鄉閭頓寂寥百年遺老盡一代典刑銷
在昔朝廷盛諸儒學業饒著書磨歲月抗論切雲霄
獨步才偏壯清時俗未澆翟門人競集鄭驛客嘗邀
冠蓋來千里牲牢具一朝柳營嘶騷裏茗椀捧妖燒
家釀傳荷葉溪鮮貫柳條醉猶親簡策樂不爲簞瓢
晚節趨王命顰眉逐使輶將軍開幕府畫諾任賓僚
燕剡藩翰重兵戎節制遙宣威增國勢醜魄避天驕
絕漠清烽火前驅奏鼓簫歸田心戀戀解組思飄飄

松菊猶堪理桑榆幸未彫散金思效廣擊壤願歌堯
紗帽長蒙首銀章懶束腰吟哦今李杜吐納古松喬
勝會無虛日清談或屢宵小心親里閭避咎狎漁樵
名美偏招謗年高未免謠鬪牛嗔孔雀孤鶴畏鳴鴉
媚竈慚何枉懷沙恨莫消事隨東逝水迹斷舊題橋
素櫬還家慘總麻聚哭囂可憐嬰世網本不負天朝
盛德知誰繼冤魂謾擬招園林春黯淡風雨暮飄飄
致遠悲良驥搏空憶皂鵬聞喪皆頓足知己自垂髫
秀句時稱賞華筵必辱要吟成珠滿紙坐久斗回杓
適意魚依藻搜奇翠映茗劇談衾每共痛飲燭頻燒

髮爲工詩白心絳慮患焦豈知埋玉樹常想報瓊瑤
劍許何當掛琴存久不調已同麟斃魯空待鶴歸遼
官忍題朱旄家聞賣黑貂徑荒泥蚓出池廢雨蛙跳
隆替天難問災祥理匪昭聖賢從古歎憂患幾人超
女在難同蔡身危不類晁知音俄頃失抱疾轉無聊
蜀魄三更月胥江萬古潮誰能名季札應解訴臯陶
痛絕生芻莫哀傷壞木謠空齋暮聞笛揮淚向風颺

次危紀善五十韻陪成千字獻蜀王

有序

臣幸侍燕間叨倍論講於道德之奧雖未敢
窺然不可謂不知其一二近閱危紀善五十

韻排律詩因次其韻意有未盡輒復增加厥
數倍之成一千字上進蓋以紀事實而昭聖
世之盛美非欲效詞人墨客以靡麗爲工也
伏惟賜覽觀焉

曆數歸真主皇威定八荒奉天頒正朔截海統封疆
建國遵姚姒貽謀鄙晉唐德星臨井絡全蜀仰賢王
白日開金殿紅雲綻繡裳興圖文獻域城闕武擔陽
地秀多才彥田腴足稻粱十年藩輔重萬里幅員長
南土通滇楚東陞帶沔湘周封元過楚禹貢謦稱梁
盛德超中古高名冠四方擎天爲柱石瑞世比鸞凰

禦衆樞機簡臨朝禮貌莊正冠居便座決事處齋房
實踐循規矩精思入混茫小臣名盡記直士諫無妨
該博尤知要英明匪過剛羣書陪几席前哲儼羹牆
且真宜方駕間平合侍傍事神孚盼蠶欽聖祝穹蒼
講學心無逸憂民意不忘陳經黃閣老問俗白髯郎
不洩親毛穎知微却杜康青雲隨鶴駕紫綬列鵷行
漢代規模大周官法制詳懿親思魯衛洪業重高光
師古人爲鑑存心禮自防不知千乘貴惟恐一夫傷
餓殍虞填窟流民閔陷羗永縑贖賤穎玉粒飫饑腸
但欲闢黎庶寧辭罄積倉分曹具饘粥隨處集羸庖

有噴羣聲沸相攜蹇步躑胥靡無橫天盜賊耻相攘
恩出蠲租令歡騰施藥坊嬰孩頒穀養齒賂賜棺藏
故老偏優禮先賢盡表章中興想劉葛佐運念關張
擬植千尋栢還栽八百桑廟堂新邃宇劍履列長廊
杜李重輪奐花溪頌煒煌齊名圖至白接武配蘇黃
善政俱修舉仁聲遠播揚較人馴狎虎膳宰縱河魴
要使天心順寧教物命賤至誠通造化惠澤及飛翔
淵懿真堪述謙恭莫肯當崇儒先五教建極重三綱
開館延耆艾隆師錫篚筐衣冠儀秩秩絃誦韻洋洋
執業諸生衆求書使者忙九流分插架萬卷載連檣

樂善人心悅無爲國本。虛懷臻聖域。騁步領文場。
揮翰銀鈎活。摘辭玉佩鏘。鼎彝皆國器。蘭桂本天香。
觀妙言逾富。研精食靡遑。日惟親孔孟。性不惑姬姜。
軫念窮邊地。垂情健卒糧。撫身無凍餒。遇敵必騰驤。
解語踈鸚鵡。長鳴歎驪驄。劬農興耒耜。寬法絕桁楊。
當代真希遇。前王或未嘗。泰山高莫並。瀛海浩難航。
麟趾耽經史。龍衣佩瑀璜。笑談溫玉色。追琢燦金相。
肅挹尊賢傳。端居喚小墻。已能通魯語。正可齒虞庠。
玉樹連枝秀。瓊葩奕葉芳。骨奇瞻日角。派近識天潢。
舉措存寬厚。蒐羅必俊良。聚賢頻設醴。寶訓舊明堂。

末學逢昭代平生服令望
宗顏初見日屈指九經霜
術類千金帚榮過七寶牀
敢期蓮作炬每飲蔗爲漿
身賤思疑病言高點類狂
汗顏趨紫闥夢落滄浪
心怯恩波闊人誇寵數彰
賜衣頻跼踖前席屢徬徨
授簡安能賦開筵特命觴
偶同華屋燕徒飽大官羊
雅句褒彌重微軀感莫量
聯篇舒錦綺一字重琳琅
憶昔憂居里陳情訴陟岡
奎文昭孝行宰木發光芒
寵異兼存歿風聲別否臧
望林掄杞梓占斗拔干將
知己恩偏渥希賢德甚涼
何繇酬覆載深幸覲顒昂
喜見皇家盛從知世運昌
弓戈藏府庫道德固金湯

政教依仁宅詢謀遠智囊朝廷存鎮重夷狄敢飛揚
誠可回天地心能協雨暘羣生蒙長養百谷屢豐穰
人傑生臯摯邦基過夏商九重延祚胤百世受禎祥
磐石安宗社山河拱帝鄉孤忠深佇望恭已贊吾皇

人日從蜀王登萬歲山

鰲首高臨紫極開五雲長日擁蓬萊嵩呼曾獻君王
壽人日今從帝子來寶仗鳴鞭金蹕裏石牀御坐錦
莓苔才華愧匪朝陽鳳飛蓋華陰喜共陪

宿峰頂次濟定韻

層崖削壁跨千重坐鎮西南勢獨雄元氣昆侖磅礴

外祥光隱見有無中珠璣寶
仙留全相金碧樓臺倚
半空縱是蓬萊并弱水清小
難與此相同

登歸雲寺閣

棲身丹壑總忘歸水閣頻登趣不稀
雨脚斜侵耕叟笠苔花青匝定僧衣
山餘積雪寒猶壯巖墮流星曉更飛
卜築何當居此地玉堂金馬任相違

水皮嶺

自慚非佛亦非僊也宿丹崖綠樹巔
曉汲衣翻草頭露午炊竈起水皮煙
日離滄海三竿遠天厭烏紗五尺連
頓覺眼前無俗物片雲飛過鳥爭喧

山中對景書懷

烏靴脫却換青鞋
踏遍名山愜素懷
虎嘯石頭風萬
壑鶴眠松頂月千厓
雲開面面峰如削
谷轉行行樹似排
湖海故交零落盡
煙霞清趣幾人偕

宿新津寶花寺

百丈岡頭佛寺開
晚涼按轡陟崔嵬
落花亂逐溪流
瀉歸鳥低衝馬箭回
雲外老僧鋤筍蕨
樹根童子掃莓苔
景清愛惜禪房宿
不爲參玄聽講來

送吳主簿

關西短簿衆稱賢
太華峯前坐五年
心爲嫉邪曾奏

事家因好客不留錢霜寒茅屋鷄聲蚤月落江城鴈影翩此去京華遇鄉使好將嘉政萬人傳

次韻贈方圓巖山人

到處清泉可洗心禪機一指用功深任教東住復西住不改鄉音與梵音見客喜爲青眼顧能詩懶效白頭吟近來識面峨眉上蘿月松雲得共尋

次韻兄調弟希政并柬鄭叔度二首

百年喬木陰當戶五畝幽居水映茅好古喜尋遺老問避喧懶與貴人交從兄受學慚蘇轍與弟分財笑薛包孝友傳家得無媿聚蚊免使退之嘲

鄉閭儒術許誰加
弟唱兄酬興味賒
經濟有心慚薄德
安居無事任貧家
日高甕牖蜂穿紙
潮落汀汀鴈聚沙
却嘆離居趨侍日
時來相對卜燈花

輓徐節婦

大節寥寥不可聞
晚從吾郡始知真
百年禮樂無男子
一日干戈有婦人
波冷曹娥沉白骨
雨荒剡嶺洗紅塵
爭如烈焰三千丈
高炤青編萬古春

贈韓敏道先生赴召

先生樂道慕前人
又被書徵覲紫宸
詩卷已隨官棹月
布衣還染屬車塵
文章共喜遭逢晚
禮樂應知入

通志齋集 卷之二十四 五
問煩登眺鳳臺多制作郵筒珍重寄河濱

次韻留別陳季明先生二首

太丘美政漢稱賢高節英風四海傳垂白雲孫今幾
葉汗青甲子已千年盍簪重見星垂象落筆猶驚地
湧泉耻以文章爲世用懶將辭色向人妍

每懷海上三秋別來借山中一榻眠妙論久容親講
席深盃相勸惜離筵時消共喜閑身健情重翻令別
意綿他日朝廷訪遺老吹噓擬進白雲篇

絕句

枯木圖寄許士修

春到已多時幽禽尙未知上林無限好何事立枯枝

虎圖

踴躍谷生風崢嶸百獸中豈知王者瑞足不履生蟲

題山水二首

欲向匡廬隱出門知路難江山奇絕處多在畫圖看
離家今幾載衣袂染京塵不敢看圖畫青山恐笑人

題曹娥江

娥以孝而死江因娥得名至今潮上落猶帶哭爺聲
題竹月圖送太學生歸省

黃金臺上月炤爾憶親情歸去供甘旨春林笋正生

病中除夕四首

數漏掩殘曆中宵氣候殊獨憐愁共病不與歲同除
三十知未老已難同少年功名謝時輩心事愧前賢
里巷占新歲皆云勝舊年幾回新歲過萬事只如前
良醫難治病學道不能行瘡疾何須患吾心病未輕

題畫

茅屋東嶼西嶼白雲前山後山爲報溪頭流水落花
休出人間

牧牛圖

谷口驚湍雨歇柳陰芳草春還試問太平樂事夕陽

牛背青山

奉試靈芝甘露論

漢家圖治策賢良董子昌言日月光自笑腐儒千載
後却勞聖主試文章

書事

伏枕三旬不整冠夢魂時復對金鑾忽聞盛事披衣
坐今日朝廷立諫官

二月十四日書事二首

斧屐臨軒几硯閑春風和氣滿龍顏細聽天語揮毫
久攜得香煙兩袖還

風軟彤庭尚薄寒御爐香繞玉闌干黃門忽報文淵閣天子看書召講官

試院偶題三首

柳影波光鎖院深一塵不到市聲沉多情惟有雙靈鵲時到庭前送好音

三代賓興法尚存每因取士嘆斯文近來眼病無聊甚豈復能空冀北羣

橋門冠蓋謫如雲才氣爭先總出羣自愧腐儒無一藝強顏來此較斯文

次韻謝蜀王六首

有序

敬蒙睿恩賜以篇什誦咏感媿次韻六首

謝

恩命許辭金殿直歸裝仍賜石渠書欲知懷德無窮
意長望星辰想屬車

志似子淵方是廣才如曾點始爲狂自慚末學何爲
者孤負恩言髣欲蒼

幸瞻天下難逢德又讀人間未見書魂夢何嘗違禁
闥深恩何敢忘巾車

德尊待士真忘勢位下憂民每悔狂明日岷峨應漸
遠莫雲回首看青蒼

全德已看承道統雄才更復主詩盟欲知聖敬心無
息顧謐參前與倚衡

德勝東平弟與兄共誇樂國似蓬瀛近聞傳令安黎
庶歡動山南十萬兵

侍世子奉獻蜀王十首

有序

臣謬以疎庸獲侍世子殿下硯席竊覩岐嶷
之姿英偉之識度越于人萬萬誠宗社之慶
欲述鄙言陳民事人情物理之槩少效忠懇
以廣聰明恨未果爲先作絕句十首以進狀
惟益懋典學以副下情不勝至願

賢君德業本天成猶待修心道益明喜見儲王親筆
硯更須講學近儒臣

昧爽先求問寢衣三朝日日禮無遺古來世子能敦
孝惟有文王最可師

祖訓昭昭日月新繇來治國本天倫令名要使傳千
載仁政須教及萬民

炫日輝霞錦價高製成稱體小龍袍試看黼黻文章
美須念蠶桑杼軸勞

金匙磬盥絳紗籠玉瑩珠圓顆顆同願采豳風歌七
月要知稼穡重三農

農事艱難古所憐一生幾度遇豐年若非聖世輕租
稅逐末何人肯力田

九經治國本修身身正方能鑒別人辯佞要知駑異
驥任賢莫指玉爲珉

君王符士古來無令德高名滿八區濟美喜看賢世
子已能端拱禮諸儒

去歲開倉賑饑夫今年下令活無辜東平謾說能爲
善未識當時有此無

稅薄刑清見盛時民安田里俗熙熙欲求上古無爲
治仁孝君王自足師

謝蜀王賜果十首

有序

屢承佳果之賜偶爾成句并述所見以寄下
情謹錄進上伏惟宥察

涪州丹荔擅時稱翠籠來亭色尚新獻罷未嘗登玉
案先教頒賜與羣臣

翠籠擎出殿門東受賜羣臣喜色同却笑開元恩未
廣祇將異味悅深宮

尚食頻供素膳回金壺僊醞不曾開君王嗜道渾忘
味佳果何勞遠貢來

無才慚曳殿門裾珍味頻嘗玉饌餘解道側生風味

通志卷之二十四
好惜非梁苑馬相如

九重勤儉恤民勞錫貢深思道路遙異味奇珍俱詔
罷皇明家法勝前朝

病身趨召歷千山又見江城荔子丹竊食無功心有
愧賜歸分與衆人看

園官愛果勝黃金一樹生成一樹心味美已知堪適
口當思培植用功深

利欲頽波挽不回幾人沉溺壞靈臺要明聖道無窮
意須仗賢王不世才

道術衰微幾百年陋儒無力愧皇天已看位是真王

貴須使心承往聖賢

新製蒲鞭賜理官丁寧用法效劉寬好生要使民無
犯示辱如寬也不難

無題三首

宮臣傳教造安車駕出金門賜舊儒優老免親藩國
政入朝唯讀帝王書

山南桃李競春光食實年年在異鄉應被傷人暗相
笑閑官那得許多忙

伯兄海上思相見幼子山南憶別離兩地關心歸未
得夜看雲漢立多時

遠違闕庭二首

戀闕思家兩繫情
君王恩重屢留行
欲知去國遲遲意
三日祇趨一日程

形如槁木榮枯泯
心似虛舟去住忘
底事別情猶不奈
只因懷德慕賢王

遊峨眉山紀行十首

一鶴相隨復一瓢
山巔水滙足逍遙
祇因戀闕情無限
回首忘過萬里橋

西蜀雲山處處奇
最奇人說在峨眉
想應踏遍千崖月
露滴松梢鶴夢時

出郭涼風入抱清
亂山遮馬似相迎
寧知待召登瀛客
忽作看雲聽水行

王憐塵上辱凡肌
命入雲山茹紫芝
只恐同袍不相識
誤猜禮佛到峨眉

客久賢王兩賜衣
不知春到已春歸
清朝試出都門看
留得殘紅一片飛

山頭月出天初露
江面風生水欲波
正是勝遊新得意
片雲相引入岷峨

朝辭宮闕莫田家
江白山青兩岸沙
臥犬不驚籬落靜
麥風簷底響縑車

孤舟湖口一名僧咫尺鄉山識未曾
今去峨眉同覽勝躋扳須上百千層

名山佳處孰同遊白髮緇衣四五流
青眼古銘鄉士彥燈前夜夜話台州

學僊無骨佛無緣甘著儒冠坐一氈
入社敢同陶靖節不須三咲虎溪前

入山後覽定水仰山二上人并吳講師次予發
成都絕句韻因復次韻述事言懷十首

落日斜明掛樹瓢下方城郭去人遙
青山過雨僧深定門外雲封獨木橋

羽客禪僧也好奇對人覓句幾攢眉林端新月初高
夜巢底殘紅落盡時

倚澗人家近更清吹風驚犬走還迎衲衣鶴望從章
甫落日看山一字行

山南夫子待多時庭外松花落礪芝夜半夢回聞鼓
響覺來顙漉冷沾眉

澗底白頭僧浣衣雲間童子負薪歸幽栖更羨投林
鳥半已尋巢半已飛

千尋古木已無柯萬丈深淵不起波此日勝遊他日
記落花時節到中峨

東海西頭是我家門前花徑接鷗沙三年別後

一作却

徒多恨敢道詩書讀五車

山行十日只逢僧盡道蒙恩報未曾共上峨眉望宮闕祥雲五色繞三層

奉詔名山作勝遊壯懷如水不停流今朝獨坐峨眉頂一覽端能隘九州

榻借禪那豈夙緣坐來渾是舊家氊祗應心事慚蘇晉不解長齋綉佛前

次韻寫懷送叔貞之成都十七首

有庚

乙亥新春出城東偶作十七詩同遊諸友從

而和之因亦次韻以寫所懷會叔貞之成都
書以識別詩中所云司戶孫者卽叔貞也

道濟羣生心尙歉知周萬物禮逾勤能爲世上難行
事始是人中寡過人

盛世豈無謀國者漢家長憶富民侯榮名史策尋常
事公論江河萬古流

漢高嫚士千餘載不見師臣與友臣解使時君謙德
重孔明而下兩三人

下士立身涇渭渾胸中耿耿是非存子雲美新最可
賤著作猶尊李仲元

密葉叢篁噪晚鴉荒村百里兩三家疲民采拾供租
稅猶恐傍人議權茶

多才久要錢文學長日詩筒衮衮來俊思雪消三峽
長好懷春到百花開

伯尙庭前傾竹葉用中宅畔看梅花天教二子相爲
樂來往風流也足誇

每懷樗散鄭司戶喜看杞梓作孫枝氣清似得江山
助才異休令匠石疑

胡生挾策行千里足繭衣穿不肯回斯道要爲終古
計丈夫寧避俗人猜

江山萬里無黃耳雨露三年憶紫荊日暮出門聞鴈
過忍聽雲畔索羣聲

一念無爲付道耕百邪還聽歛心兵本原能與天同
體三代功名始可成

浩蕩乾坤爛熳春六將樂意付窮人迥無臭味堪誇
世縱有爭心豈解嗔

烏石岡頭白苧衣幾回醉伴夕陽歸山中兄弟遙相
憶未必天心與我違

我與東風作主賓忍教負却太平春一觴一詠酬佳
景也未輸他世上人

通志卷之二十四
梅逕桃蹊遶華門半依城市半通村春風一見如相
識莫逆於心兩不言

魚在深淵鳥在山乾坤無物不相關野亭日午支願
坐閑看雲天一鶴還

食罷移床坐小亭細看羣蟻奪餘腥倦來莞爾成微
笑宇宙茫茫幾廢興

感舊九首

雄文不見林公輔病眼荒荒何處開將相亦輸天上
樂多情莫向世間來

盃酒論心有幾人天台張穀舊相親近來詩句多奇

語書比藏真更絕倫

精通八法楊文遇暗誦五經陳用中揮翰天庭應獨步忍饑村巷欲成翁

翰苑暫歸盧太史銓曹已失鄭郎中名高金殿龍頭選夢憶蒼山馬鬣封

林鄭爲文學我家波瀾議論闊無涯兩年不見何時到望斷嶠江八月槎

博陵博士才華盛漢上畸人道術卑欲寄一書無鴈過相期千古只心知

立言溫粹懷陳采肆筆縱橫憶鮑岡若使韓門加接

引未容籍湜獨升堂

王郎遠逐雲中戍許子俄爲地下郎重訪舊人尋舊
迹嶺雲溪月總堪傷

多病深知志術荒中年苦復厭文章欲圖天地相終
始肯與時人較短長

別母舅哭外舅鄭公三首

昔奉安車共入關擬於此路復南還今朝獨向江東
去淚洒西風草樹斑

女甥攜抱遠相從骨肉情深反負公南鄭江頭三尺
塚夕陽衰草萬山中

竹帛相期古道深
結婚端不爲多金
自慚非是奇男
子恐負侯高擇婿心

中秋對月二首

雙櫓鳴江水不波
雲山無數拂船過
夜深把酒問明月
月色與愁誰較多

南鄭荒墳草木寒
東甌舊宅桂花丹
九秋最好今宵月
又向孤舟獨自看

題漢中三寺佛放光

三寺神燈古有名
我來惟見月華清
非關佛日今消歇
應避文星不敢明

蜀相像

羽扇綸巾一臥龍
誓匡寶祚剪奸雄
圖開八陣神機
外國定三分掌握中

買臣妻墓

青草池邊一故丘
千年埋骨不埋羞
丁寧囑付人間
婦自古糟糠合到頭

二喬觀書

深閨睡起讀兵書
窈窕丰姿若个誰
千古周南風化
本晚涼何不誦關雎

王節婦

兩月孤兒百里墳一燈風雨幾黃昏可憐玉帳豪華
客不識金沙節義門

鄭義門

丹詔旌門已拜嘉千年盛典實堪誇史臣何用春秋
筆天子親書孝義家

彭山道中

煙鳥歸林已夕陽野人相引度高岡馬頭一片青山
影經過絺衣似水涼

夜度桑洲驛

山路彎彎石甃平碧天涼露下三更無端一夜西風

惡吹着新愁上紫荆

客至

竹裏烹茶費屢呼
攜壺沽酒遶村無
同食麥飯無難色
風槩知非淺丈夫

聞盧原質表兄廷試探花郎授編修喜而寄之
奉天殿上榜初開共賀江南得秀才
好是青蘿居士說近來文運屬天台

送義烏龔叔安給事歸省二首

鷄舌同含侍紫宸
朝回東閣每相親
片帆忽逐西風去
鴛鴦行中少一人

繡湖煙雨正宜秋之子還家喜得遊忠孝堂前舊明月相隨重到鳳池頭

談詩五首

舉世皆宗李杜詩不知李杜更宗誰能採風雅無窮意始是乾坤絕妙詞

前宋文章配兩周盛時詩律亦無儔今人未識崑崙派却笑黃河是濁流

發揮道德乃成文枝葉何曾離本根末俗競工繁縟體千秋精意與誰論

大曆諸公製作新力排舊習祖唐人粗豪未脫風沙

氣難詆熙豐作後塵

萬古乾坤此道存前無端緒後無垠手操北斗調元
氣散作桑麻雨露恩

覽陳先生見和諸詩戲題

孔璋揮翰檄曹公烈日秋霜格力雄白髮雲孫千載
後新詩尚可愈頭風

道者扇

競利爭名不暫休紛紛盡逐水東流道人心事如松
栢閱盡尋常草木秋

題山水隱者

先生六

歲時作

棟宇參差逼翠微路通
恐世人知等閑識得東風
面臥看白雲初起時

題山水

霜落江南木葉丹滔天波浪一身還何人得似林中
叟目送浮雲過遠山

修德惠枯木圖次韻四首

有序

修德先生寄惠枯木小幅并以詩留別病中

不能追從謹次韻奉答

四首

遠別出門愁見難燕山越水路盤盤將心付與天邊
月兩地清宵一樣看

月明樹影落晴波寫寄山房古意多已分此身同槁
木歲寒相對老巖阿

百年禮樂愧前賢濂洛微言久不傳待子歸來同講
習細炊麥飯飲寒泉

至道無聞昧力行神交千載獨周程直教俯仰渾無
愧始是堂堂世上英

見梅

寒梅凍後放幽姿何事今年花較遲昨日途中春意
到溪頭纔見兩三枝

畫梅

微雪初消月半池
籬邊遙見兩三枝
清香傳得天心在
未許尋常草木知

竹

不禁俗物敗人意
忽見幽篁眼爲明
記得舊遊天上夢
連昌宮外聽秋聲

題東坡畫竹

內翰何年寫畫圖
眼中驚見鳳毛孤
一枝潤帶江南雨
遂使眉山草木枯

斑竹圖

湘君泣盡淚痕乾
翠袖蕭蕭倚暮寒
却憶洞庭爲客處

通志齋集
卷之二十四
五
處滿湖風月泛舟看

墨菊二首

解印歸來鬢已斑
故園松菊可怡顏
祇緣三徑荒涼久
特寫秋花仔細看

分根昔日向東籬
種近羲之洗硯池
幾度偶澆池上水
花開朵朵墨淋漓

題菊

順流舟楫日邊回
古木軒窗水際開
萬里西風數行鴈
送將秋色過江來

馬

一日曾騎越與燕
鼓車隨後意茫然
聞人何必相羈絆
亦未乘龍去上天

聞燕

曉夢驚回燕語巢
窻前紅日在花梢
心思佩玉朝天日
待滿金門鼓尙敲

百雀圖

曲巷高簷避網羅
朝來飽啄隴頭禾
但令四海長豐稔
不厭人間鼠雀多

羲之籠鵝圖

內史清真江海情
每將高誼動朝廷
平生却被能書

通志列集 卷之二十一
誤更爲鵝羣寫道經

荷花渚禽

絕世丰姿不受塵丹霞爲質玉爲神
渚禽莫怪開時晚一洗尋常草木春

鸚鵡

幽禽兀自囀佳音玉立雕籠萬里心
只爲從前解言語半生不得在山林

立春偶題二首

萬事悠悠白髮生強顏閱盡靜中聲
效忠無計歸無路深媿淵明與孔明

百念蹉跎總未成世途深恐誤平生中宵擁被依牆
坐默數隣鷄報五更

海縣典史王貞督輯

方正學先生遜志齋集卷之二十四終

五言古上聲志微東來之二十四

幽禽兀自轉佳音
玉立雕籠萬里心
只爲從前解
語半生不得在山林

立春偶題二首

平戎紀典史王貞習

坐標樓剡縣正更
顏閭盡靜中聲效
忠無計歸無
百念幾我縣未
及世鉉新
悲貽平土中
寶藏
如
新
辭



